

## Hâmbâi tetewuap yakât den.

*Yesu Kiristone yu ya teteningiwuap yakât topne sâmbâi teteop.*

<sup>1</sup> Nâ Yeweri nanje, Yoane. Anjoânâk Yesune hon bawalipne 12 nen menenehop. Nâ yâk yengât kolân gâtne nâje pepa yu kulemgum katyîngian. Yakât topne yuwu.

Anitâhât biwi nângân nângânjan tatmap yapâ Yesu Kiristone den yu nângâmbu bulâne otmu anelone âlâ hângângum yuwu sâmbâi ekuop. “Nâhât komot anjoân den yukât topne sâmbâi ekyongowan yamâ sâmbâi yiwerene yu sâmbâi teteknan tuhum yu ekgohowe. Ekgohomune pesuk sâmbâi yâkne nângânjetâ keterahâkgât gâ hângângohomune hânân ge sâmbâi tetem ekyongowat.” Yawu sâmbâi hângângumu gem nâhâlen den yu sâmbâi teteop. <sup>2</sup> Sâmbâi teteop yakât topne yuwu tap. Yu me ya hâmbâi tetewuap yakât Anitâne sâmbâi kalop ya sâmbâi tetem yen Yesuhât komot galemne mansai yuwu sâmbâi ekyongomune nângânjet. <sup>3</sup> Sâmbâi pato utâpguap. Yakât otmâ yene yen yu me ya tetewe sâmbâi oap yakât den yu sâmbâi Yesuhât komot sâmbâi tetem ekyongonomai. Otmu lohimbî nombotjanenâmâ den yu nângâm lâmbâi mannomai yamâ Anitâne mambâne otyîngimu herone otmâ mannomai.

*Yesu Kiristo yâkât topne*

<sup>4-6</sup> Nâmâ Yoane. Nâje Asia hânân Yesuhât komot kapi nombolân yâhâp ya yengât pepa yu kulemgum katyîngiwoman. Yakât yen sâmbâi

topņe nâņgânomai. O Bukulipne, yeņgât nâņgâm nâņe Anitâ yuwu sâm ulitguman.

“O Anitâ, gâ tatmâ gaon, tatmâ gat, yaņak tatmâ yâhâwuat. Otmu Wâtgât mâmâņahât Heak ya gâhâlen tatmap yaņe Asia hânân kapi nombolân yâhâp tatmâ arap ya ambolipņe mâmâņe otyiņgimu yeņgât biwiyeņe sânduk sâmu manņetgât nâņgâm mepaeheksan. Anitâ gike eņgatgeâk nange hâņgâņgurâ ge gâhât tem lâuhihim kinmâ topge sâm teteop. Sâm tetemu lohimbi nombotņe ekņetâ bâlemu kuņetâ muop. Otmu yaņak mumuņambâ yahatnomgât mâtâp aņgoân mem kusâņningiop. Mumuņambâ yahatmâ hânņe hânņe lok kutdâ topņe topņe mansai yeņgât kunyeņe tatmap. Yawu tatmap gârâmâ lohimbiņe yâkâlenâk biwiyeņe kepeim manmâ yâhânomai yanâmâ himbingât pat kuyiņgiop yakât bonņe ya menomai. Yawu.” Yawu sâm yeņgât nâņgâm Anitâ ulitguman.

Otmu Yesuhât topņeâmâ yuwu. Yâkņeâmâ nengât tepņe dondâ nâņgâningimap. Yawu nâņgâningim Anitâņe âi sâm waņop ya biwiņe kepeim manmâ nengât toсахât otmâ kawenenņan kinmu kuņetâ muop. Mum yahalop. Yakât otmâ biwinenņe yâkâlenâk kepeim manmunņe himbingât pat kuniņgiop. Yakât nâņgâm nen aņun ki otne. Anitâ tâņ tâņâk mepaem ulitgum manmâ yâhânehât Yesuņe mâtâp mem kusâņningiop. Otmu Yesuņe mâmâņe otniņgimu Anitâhât tem lâum âiņe tuhum yâhânehât mâtâp ya gurâ yawuâk mem teteniņgiop. Yâhâmâ Laņiņe otmu Wâtgât Amboņe. Yakât otmâ mepaem manmâ yâhâmbisâin.

<sup>7</sup> Bukulipne, yuwu sâmunne nângâjet. Yesuņe elem kulewoņboņ kakņambâ âwurem gewuap. Gemu yan lohimbi nombotņane kasa otbaņgim mem tuhuwiņe ekmâ isem matņe yingiwuapgât tep bâle nângânomai. Otmu lohimbi nombotņane yâk yeņgâlen torokatmâ yâkât kasa manmai ya gurâ yawuâk isem tep bâle nângânomai. Ya bonņanâk.

<sup>8</sup> Anitâ Ambonenņe yâhâmâ emelâk embâņân hân himbim ki kândikyotgop yapâek tatmâ gaop. Otmu torokatmâ tatmâ yâhâwuap yakât kakņan tatatņe pesuk sâwuapgât dop âlâ ki tap. Yakât otmâ yâhâmâ wâtņe pato nandoroņe tatbaņgiap. Otmu Anitâņe yuwu sâop. “Nâņe sâmunne hân himbim âliwahap topņe topņe ki tete teteņambâ teteheop. Otmu yâhâpņe sâmunne biatbuapgât dop gurâ tatnihiap.” Yawu sâop.

*Wâtgât mâmâņahât Heakņe Yoanehât biwiņe mem purik pilâmu ehop.*

<sup>9</sup> Bukulipne, yenâmâ Asia hânân Yesuhât komot mansai. Yeņe Yesuhât den pat âlepņe sâm lohimbi ekyongonetâ, lok nombotņane nângâjetâ ki ârândâņ otmu, mem ge katyekne sâm mem bâleyekmai. Otmu nâ gurâ yawuâk mem bâlenekmai. Yawu otninginetâ nenņe ki lohotņe otmâ kinmain. Yawu otmâ sâp ârândâņâk Yesuhât lau lâum kinmâ hoņ bawaņgim gamain. Otmu nâņe Yesuhât den pat ya lohimbi ekyongomune yawuâk lok nombotņane gurâ nângâjetâ bâlemu nâ menekmâ mâtuņa âlâ, kutņe Patimo sâm, yan katnekņetâ mansan. <sup>10</sup> Manmunne Sande âlâen Anitâņe ikņe Wâtgât mâmâņahât Heak hâņgângumu ge biwine mem purik pilâop. Yawu otmu den

kârikŋe isemu nâŋgâwan. Yâhâ den nâŋgâwan yamâ lâmun kunmain yakât dopŋe bia, ya wangim isemu nâŋgâwan. Otmu yuwu sâm eknohop. <sup>11</sup> “Yoane yu me ya senŋan yiwerenŋe tetemu eksat. Yawu gârâmâ gâŋe pepa mem kulemgum katdâ Asia hânân kapi tipi tapi nombolân yâhâp tai ya yengât dopyenŋan arimu sâlikum nâŋgânomai. Kapi yamâ kutyeŋe, Simirina, Epeso, Peahamon, Tiatira, Sariti, Pilarepia, Laorika yawu. Pepa yu yengât kulemgum katdâ arimu ekmâ sâlikum nâŋgânomai.” Yawu sâm eknohop.

<sup>12</sup> “Den yu âlânŋe eknohoap” yawu sâm enŋatne kakŋambâ olelem lambe nombolân yâhâp goliŋak tuhuwi yan sem kinmu ekban. <sup>13</sup> Otmu ya yengât hohetyenŋan lokbân kundenŋe yawuya kinmu ekban. Otmu sâŋgum kaok âlâ hârândânŋak mânunŋakmâ kinop. Yâhâ enŋatŋanâmâ kâiput kâlêp goliŋak tuhuwi ya âmbâkum kinmu ekban. <sup>14</sup> Yâhâ somotŋe yamâ iwit iwit pato elembân kaok ekmain yawuya. Yâhâ senŋe yamâ kâlâp nimbilamŋe yawuya. <sup>15</sup> Yâhâ kâiŋe yamâ kât sem hiŋ hurundunŋ sâmâp dop yawuya. Yâhâ denŋe munŋeâmâ to tâlâm pato yerâm kinmu munŋe nâŋgâmain yawuya. <sup>16</sup> Otmu pitu nombolân yâhâp ya bâtŋe bonângen mem kinop. Otmu lauŋambâmâ tewet konohâk yamâ sâtŋe nombot nombot nelanŋ nelanŋ ya ge kinop. Yâhâ kun kundenŋe yamâ sikop hâumu irik irik sâmâp dop yawuyane lanŋinŋe pilâop.

<sup>17</sup> Yawu tetem kinmu ekmâ kiŋgitnahât otmâ kâiŋe topŋan ba pare pare otmâ mum yawu iwan. Yawu imune lok yaŋe bâtŋe bonângen mem kat-

nekmâ yuwu sâm eknohop. “Kâmbuk, kinġitgahât ki ot. Hâlihâk kindâ topne sâm tetem ekgohowe. <sup>18</sup> Anġoân embânân Anitâne hân himbim ki kândikyotkop yapâek tatmâ gawan. Otmu lok otmune yañakbenne nohoñetâ muwan. Otmu mumuñambâ yahatmâ tan. Otmu tatmâ yâhâmbisân. Nâmâ manman kârikne amboñe. Yakât otmâ yâhâpne mumbomgât dop âlâ ki tap. Manman kârikne manmâ yâhâwom. Yawu gârâmâ lohimbitorokatmâ manñet me hiliwahonjet yakât nâne konok sâmune pesuk sâwuap. Otmu lohimbim nombotne mum hemgât pat oai yâk holanyekbom me hemân hâpunyekbomgât dop ya gurâ yawuâk. Yamâ nâhât wahap. Topne yawu.

<sup>19</sup> Otmu nâne sâp yiwereñahât me hâmbâihât tetewuap yakât topne kerek sâm tetewe. Sâm tetemune kulemgum metemâmâ pepa yu kapi nombotne yu tete tatmâ arai ya yengâlen kerehâk katdâ arimu ekmâ nâñgâñet. <sup>20</sup> Otmu bâte bonângen pitu nombolân yâhâp meyekmune yeksat yakât topne yuwu sâm tetemune nângâ. Pitu nombolân yâhâp yamâ kapi nombolân yâhâp ambolipñane nâhât komot mansai ya yengât anelo umutyenânâk âlâku konok konok. Otmu lambe nombolân yâhâp goliñak tuhum katñetâ sem tap yamâ nâhât komot kapi nombolân yâhâp ya.” Yawu sâop.

## 2

*Epeso kapi ambolipne yâk yengât sâm kalop.*

<sup>1</sup> Yesuñe yuwu sâm tetem eknohop. “Yoane, gâne Epeso kapi ambolipne yengât yuwu kulemgum katyinjirâ ariâk. Nâ Yesu. Bâte bongen pitu

nombolân yâhâp mem kinsan. Otmu lambe nombolân yâhâp golinak tuhûm katjetâ sem tatmap ya yengât hohetyeņan galem kinmâ bam gaman. <sup>2</sup> Nâ yengât manmanyeņe ya kerehâk nâņgâmune âlepņe nanņe oap. Lok bâleņe, lok perâkņe yengâlen taka yuwu sâm kâityongowi. “Yesuņe âi sâm ningiop ya tuhûm mansain.” Yawu sâm yen kâityongom yengâlân torokatne sâm takawi. Yawu sâm takaņetâ yapâ gâtņeņe umatņe topņe topņe teteyiņgiop. Yakât yeņe yâk yengât topyeņe ekņetâ ki ârândâņ olop yakât otmâmâ watyekbi. Ya nâņgâmune âlepņe nanņe oap. <sup>3</sup> Otmu yenâmâ lok bâleņe yaņe yengâlen torokatne sâm otņetâ yanâmâ yeņe nâhât tem lâum sâtgum manmâ gawi. Otmu nâhât den nâņgâm ki hâkâņ otbi. Yakât nâņgâmune âlepņe oap.

<sup>4</sup> Yawu gârâmâ den âlâ yuwu sâmune nâņgâņet. Biwiyeņan tap ya ekmâ nâņgâmune ki ârândâņ oap. Anġoân embâņân Anitâhât den pat âlepņe nâņgâm yanâmâ nâhâlen biwi nâņgân nâņgânyeņe kepeim manbi. Yâhâ sâp yiwereņeâmâ biwi yeņeņe pâlâmņe otmâ mansai. <sup>5</sup> Yâhâ anġoânâmâ biwiyeņe nâhâlen katmâ denne lâum manbi ya yawuâk torokatmâ manņetgât naņgan. Yawu gârâmâ yeņe denne ki lâum mannomai yanâmâ sâmune yengât hohetyeņambâ lambe laņinņe hindakmâ yengâlen omoņ sahakbuap.

<sup>6</sup> Otmu nâņgân nâņgân âlâ nâņgâm gawi ya nâņgâmune âlepņe oap. Komot âlâ, kutyeņe Niko-lao sâm, yâkņeâmâ yuwu sâmai. “Âlepņe, orot-meme ihilâk mahilâk otmunņe Anitâņe nenekmu ârândâņ otmap. Yakât denņe bia.” Yawu sâmai.

Yamâ yengâlen takamâmâ yawu otjetgât sâmbê kendâyinjetâ yeje hâkâñ otmâ watyekbi. Nâ gurâ yawuâk yâk yengât nângâm hâkâñ otmâ manman. Yawu gârâmâ yeje yâk yawu otyingwi yakât nângâmune ârândân oap.

<sup>7</sup> Yengât hohetyenân gâtje âlâ me âlâje lohotje ki otmâ nâhât den lâum manmai. Yakât otmâmâ munomai sâp yanâmâ âlepje nâje sâmbê Anitâhât kalamân manmangât nak âlâ kinsap yakât kehetje nemâmâ yañe tânyongomu manman kârikjan yan torokatmâ manmâ yâhânomai. Otmu Epeso kapi ambolipje yen Anitâhât Wâtgât mâmâjahât Heakje den sâmbê tetem eknohop yu ekyongoan. Yakât yen nângâm henjengum manmâ yâhânomai.” Yakât yawu sâop.

*Simirina kapi ambolipje yâk yengât sâmbê kalop.*

<sup>8</sup> Otmu Yesuñe ikje komot Simirina kapi ambolipje mansai yâk yengât yuwu sâmbê eknohop. “Lohimbiñe Simirina kapiân manmâ biwi nângân nângânyeñe nâhâlen katmâ mansai yamâ gâñe den yuwu kulemgum katyinjirâ ariâk. Nâmâ Yesu. Anjoân embânân Anitâñe hân himbim ki kândikyotkop yapâek tatmâ gawan. Otmu yawuâk tatmâ yâhâwom. Otmu mumune yan hân kâlehen katnekbi. Nâñe yapâ yahatmâ tanje yuwu sâmbê tetemune nângâñet. <sup>9</sup> Yengât kasalipyeñeñe yen mem bâleyekmâ kombo meyingjetâ hâhiwin kakjan manmâ âlâlâhât pâin guin otmâ gai. Ya nanjan. Otmu nâñe mâmâñe otyingimune nâhâlen biwi nângân nângânyeñe kepeim manmâ ganjetâ yakât nâñe matje âilonjo yingiwomgât emelâk ya sâmbê katban. Otmu Yura

lok nombotŋaŋe yeŋgât sâŋ bâleyiŋgiwi. Ya gurâ topŋe nanŋan. Yawu gârâmâ yâkŋe Anitâhât pat bulâŋe ki mansai. Yâhâmâ lok bâleŋahât pat oai. <sup>10</sup> Otmu umatŋe âlâlâ yuwu yawu teteyiŋgiwuap yakât kiŋgityeŋahât ki otnomai. Yakât topŋe yuwu sâŋmune nâŋgâŋet. Satangâlen torokatmâ manmâ bâleŋahât pat mansaiŋe yen biwiyehât topŋe ya nâŋgâne sâŋ mem âlâlâ tuhuyeknomai. Otmu mumuhât pat kuyiŋgim nombotŋe mem pâi emetŋan katyeknomai. Yawu otyiŋgiŋetâmâ yeŋe kârihem kinŋetâ yanâmâ nombotŋaŋeâmâ munomai. Otmu nombotŋe âlâŋeâmâ hâhiwin nâŋgâm sâtŋum mannomai. Yawu otmâ manŋetâ yakât kakŋanâmâ hilâm bâlâk ŋerek otmu yanâmâ pesuk sâyiŋgiwuap. Yâhâ yakât kakŋan yenâmâ hâk sânduhân manmâ yâhânomai. Otmu munomaiŋe mumuŋambâ yahatŋetâ yen kerehâk manman kârikŋan torokatmâ manmâ yâhânomai. <sup>11</sup> Simirina kapi ambolipŋe yen Anitâhât Wâtŋât mâmâŋahât Heakŋe den sâŋ tetem eknohop yu ekyongoan. Yakât yen yukât topŋe nâŋgâm heŋgeŋgunomai. Nâŋgâm heŋgeŋgum nâhâlenâk biwiyehaŋe kepeim manmâ yâhâm yâhâŋe munomaihât dop âlâ ki otbuap.” Yakât yawu sâop.

*Peahamon kapi ambolipŋe yâk yeŋgât sâŋ kalop.*

<sup>12</sup> Otmu Yesuŋe ikŋe komot Peahamon kapiân mansai yâk yeŋgât yuwu sâŋ eknohop. “Lohimbi nombotŋe Peahamon kapiân manmâ biwiyehaŋe nâhâlen katmâ mansai ya yeŋgât den yuwu kulemgum katyiŋgirâ ariâk. Nâ Yesu. Tewet sâtŋe nombot nombot nelaŋ nelaŋ yakât amboŋe nâ.



Nâñe yuwu sâmunne nâñgâñet. <sup>13</sup> Kapi ambolipñe yengât manmanyenahât topñe ya nâ nanñan. Kapi yanâmâ lok sesengâlâkñe Satangâlen torokatmâ orotmeme bâleñe topñe topñe otmâ mansai. Yawu otmâ nâhât komolân gâtñe âlâ, kutñe Antipatoro, yâkñeâmâ nâhât tem lâum manmâ yâk yengâlen lohotñe ki otmâ manop. Ya kuñetâ muop. Kuñetâ muop yakât yen kinñityenahât ki otbi. Yawu otmâ kârihem kinmâ nâhât tem lâum manmâ gai. Ya nâñgâmune ârândâñ oap. <sup>14</sup> Yawu gârâmâ yengâlen gâtñe nombotñeñe orotmeme âlâ yuwu otmai yamâ nâñgâmune bâleap. Yengâlembâ nombotñeñe lok âlâ, kutñe Bileam sâñ, yâkât orotmeme bâleñe ya watbi. Bileamñe angoân lok âlâ, kutñe Balak sâñ, ya ekumu Isirae lohimbiñe kasalipyenñe yengât Porom Lâpiohât hotom uminiwi yapâ mem neñet sâñ ekyongop. Yawu otmâ torokatmâ kâwâ konda otñetgât kendâyinñiop. Yawu olop yakât Bileamñe tosa pato miop. Otmuâmâ yengâlen gâtñe nombotñeñe orotmeme yawuâk torokatmâ otñetgât sâñ kendâyinñim mansai. Ya nâñgâmune dondâ bâleap. <sup>15</sup> Otmu yengâlen gâtñe nombotñeñe Nikolao yengâlen torokatmâ ihilâk mahilâk otmâ mansai. Yakât nâñgâmune yawuâk dondâ bâleap. Yakât otmâ ekyongonñetâ biwi nâñgân nâñgânyenñe nâhâlenâk katñetâ kinâkgât sâñ ekyongoan. <sup>16</sup> Otmu den sâñ tetean yukât nâñgâñetâ gemu bet pilâmâmâ nâhâlen yâhâpñe taka ki torokatnomai. Yawu otnomai yamâ nâñe taka kuk otyinñiwom. Yawu otmâ launan tewet sâtñe nombot nombot nelanñ nelanñ yanñe nem hilipyongowuap.

<sup>17</sup> Yamâ yengâlen gâtñe nombotñeñe yâk

yengâlen lohotnje ki otmâ mannomai yâhâmâ mem lâtpyongom manman kâriknje yakât sot yingimune nem mannomai. Otmu langatyekmâ âlâku iknje kutnje kândâk kândâk kulemgum iri tete osom katyinjigiwom. Kut ya lok âlâ me âlânje ekmâ nângânomaihât dop ki tap. Âlâku iknje amboŋan amboŋan ekmâ nanŋaninomai.

Peahamon kapi ambolipnje yen Anitâhât Wâtgât mâmânjahât Heaknje den sâm tetem eknohop yu ekyongoan yakât mâmânje otyingimu den yukât topnje nângâm henŋenŋunomai. Yakât otmâ yu kulemguwe sâm oan. Yesunje Peahamon ya yengât yawu sâm eknohomu kulemguan.

*Tiatira kapi ambolipnje yâk yengât sâm kalop.*

<sup>18</sup> Otmu Yesunje iknje komot Tiatira kapiân mansai yâk yengât yuwu sâm eknohop. “Yoane gâ Tiatira yengât ekap yuwu kulemgum katyinjirâ ariâk. Nâ Yesu, Anitâhât nanje. Otmu nâmâ senneâmâ kâlâp kokotnje laŋ laŋ sâmâp yawuya. Yakât otmâmâ nâmâ yohân ekman. Otmu kâineâmâ kâlâp milu umunje kâtje sem hiŋ hurundun sâmâp yawuya. Yakât otmâ kasalipne tâlim hilipyongowom. Topne yawu.

<sup>19</sup> Otmu yengât manmanyenjahât topje ya nâ nanŋan. Otmu orotmemeyenje ya gurâ nângâm metean. Yeŋe nâhâlen biwiyenŋe kepeiwi ya yawuâk torokatmâ manmâ gai. Otmu biwiyenje hikuakmâ buku oraŋim mansai. Yâhâ lohimbî nombotnje senje âlâhât pâinmâ mansai yâk tânyongoai. Otmu lohimbî belângen mansaiŋe mem bâleyekŋetâ yengu yawuâk ki lohotnje oai. Emelâk orotmemeyenje âlepje otbiâke yamâ

yiwerenje oai yuñeâmâ kândikum gâtñe ya tâtâem wangim oai yakât nâñgâm biwine herenje oap.

20 Yawu gârâmâ benje yengât orotmeme konohâk otñetâ ki ârândân otmap. Imbi bâlene âlâñe yengât hohetyenjan kinmâ den perâkñe kâsikum yingimap ya ki watñetâ ariap. Yâkñe yuwu sâmap. “Nâ Anitâhât poropete imbi. Yâkât lau lâum denñe sâm tetean.” Yawu sâmap. Yamâ den memap. Emelâk imbi yawuya âlâ, kutñe Yesewe sâm, yâk ihilâk mahilâk otmâ manmâ Anitâhât komot, Isirae lohimbi, mem dâiyekmâ imbilipyene yekmâ ihilâk otñetgât sâm ekyongominiop. Yawu sâm ekyongop yañe dondâ bâleop. Yâhâ sâp yiwerenje yuâmâ imbi âlâ ya hohetyenjan taka mansapñe Yesewe olop yawuâk otñetgât haonmâ kendâyingiap. Otmu yâhâmâ kasalipyene yengât Porom Lâpio yakât hotom umai yapâ mem neñet sâm ekyongomap. Ya nâñgâmune dondâ bâleap. 21 Yakât yuwu sâmune nâñgâñet. Imbi yañe biwi nâñgân nâñgânñe nâhâlen kalâkgât mambotmâ manmâ gan. Yawu otmune ya hâkân otmâ kârikñe dondâ oap. Kârikñe otmâ manmâ orotmemeñe kinjon yamâ ki sâm tetem betbanjimap. 22 Yakât otmâmâ kundat umatñe dondâ tetewanjimu yan nâñe ya sâm wanjune hâhiwin nâñgâm yâhâwuap. Otmu lohimbi nombotñe yâkâlen torokatbiñe tosayene ya ki sâm tetem biwi nâñgân nâñgânñe nâhâlen katmâ mansai yakât matñe umatñe dondâ yingimune mem sâtgum mannomai. 23 Otmu lohimbi nombotñe imbi bâlene yâkât komolân torokatmâ otbi mewi ya ekñetâ ârândân olop yamâ nâñe matñe yingimune mem hiliwahonomai. Yawu

otyĩngimuneâmâ nâhât komot hânñan kulemñan mansaiñe ekmâ topñe yuwu nâñgânomai. “E, Yesuñeâmâ orotmemenenñe me biwinenñan girawu tap yakât topñe ekmâ nâñgâm ba takamap. Otmu yu me ya otmain yakât matñe ya tâñ tâñâk ningiwuap.” Yawu sâmmâmâ orotmeme âlepñeâk otmâ mannomai.

<sup>24</sup> Otmu yen nombotñañe imbi yukât orotmeme kinñon yan torokatmâ ki otmai. Otmu yâkât komolipñañe Satangât topñe sâmm kusânmâ ekyongomunñe nâñgâñet sâmm otñetâmâ yan yeñe betyĩngim mansai. Yakât nâñgâmmune ârândân oap. Yakât umatñe âlâ ki teteyĩngiâkgât nañgan. Otmu yenâmâ yuwu sâmm ekyongomune nâñgâñet. <sup>25</sup> Anñoânâk nâhât tem lâum torokatmâ manbi. Yawuâk otmâ torokatmâ manmâ gai. Yawu gârâmâ yâhâpñe yawuâk torokatmâ manmâ yâhâñetâ nâñe taka matñe âilonño yĩngimune menomai yakât yuwu sâmmune nâñgâñet. <sup>26-27</sup> Anitâñe âi sâmm nihim hâñgânnohomu gewan. Gemâmâ wâtñan kinmâ tem lâuwangim gawan. Otmu yakât dopñeâk yenâmâ âi sâmm yĩngimune nâhât wâtñan kinmâ yâhânomai. Otmu sâp pato tâlâhumu yanâmâ nâñe mâmmâñe otyĩngimune kasalipnenñe kunyeñe kârikñe otmâ mannomai ya yongom itit kiom tuhuyeknomai. <sup>28</sup> Yawu otyĩngiñetâmâ pesuk sâwuap. Otmu sâp patoen yen orowâk heron maron otmâ manmâ yâhânom. <sup>29</sup> Yakât otmâ Tiatira kapi ambolipñe yen Anitâhât Wâtgât mâmmâñahât Heakñe den sâmm tetem eknohop yu ekyongoan. Yakât otmâ mâmmâñe otyĩngimu den yukât topñe nâñgâm biwiyeñan katmâ mannomai.” Yawu sâop. Yesuñe

Tiatira kapi ambolipņe yeņgât den yu sâm tetem eknohomu kulemgum katyiņgian.

### 3

#### *Sariti kapi ambolipņe yâk yeņgât sâm kalop.*

<sup>1</sup> Otmu Yesuņe ikņe komot Sariti kapiân man-sai ya yeņgât yuwu sâm eknohop. “Yoane, gâ den yuwu sâmune kulemgum katyiņgirâ Sariti ambolipņe sâlikum nâņgâm heņeņgunomai. Nâ Yesu. Anitâhât Wâtgât mâmâņahât Heakņe mâmâņe otnihimu pitu nombolân yâhâp meyekmâ kinman.

Nâņe yeņgât manmanyeņe ekmune ki ârândâņ otmap. Yeņe topyeņe kurihiakmâ lok sensenân orotmeme âlepņeâk otmâ gai. Yakât otmâ lohimbî dondâņe yekmâ topyeņe yuwu nâņgâm tâpikguai. “Main, lohimbî yuņeâmâ biwi nâņgân nâņgânyeņe ya galemai. Otmu yâkņe yakât pâlâmņe ki oai.” Yawu sâmai. Yawu sâmai yamâ pâpgum topņe ki nâņgâm sâmai. Nâņeâmâ biwiyeņe ekmâ “bi-wiyeņe mumuņe,” yawu naņgan. <sup>2-3</sup> Yenâmâ bi-wiyeņe pârâk pilâm ekņet. Awoņne Anitâņe yeņgât manmanyeņe ya ekmu ki ârândâņ otmap. Otmu nâku yawuâk ekmune ki ârândâņ otmap. Manman aņgoânâk manbi yaņeâmâ himbîngât pat kuyiņgiop ya biatbe sâm oap. Yen ya biatyîņgîmap sâm emelâk aņgoânâk miti nâņgâm yan biwiyeņe nâhâlen katmâ orotmeme âlepņe otmâ manbi ya yawuâk torokatmâ manņet. Yawu manmâ orotmemeyeņe bâleņe ya bet pilâm biwi golâek manmâ yâhâpņe biwi nâņgân nâņgânyeņe nâhâlen kepeim manņetgât naņgan. Yâhâ ki otnomai yamâ benņe

kasalipyeŋaŋe inâk pârâk sânsânâk taka itit kiom tuhuyiŋimai yakât dopŋeâk nâŋe yeŋgâlen pârâk sân sânk takawom. Sâp yan takawom yakât yeŋe ki nanŋai.

<sup>4</sup> Yawu gârâmâ yeŋgâlen gâtŋe sambe bia, getek âlâ yaŋe tipŋe âlepŋe oai. Yâhâ yen salek salehâk tosa barak mansai yamâ yongonmune nâhâlen torokatŋetâ sâŋum kaok bolan bolan âlâku ikŋe kândâk kândâk yŋimune hanŋalakŋetâ nine orop tatmâ yâhânom. <sup>5</sup> Yawu otmâ tosa barak manŋetâmâ nâŋe yeŋgât nâŋgâm nâhât komolân gâtŋe salek salek yawu sâwom. Otmu emelâk manman kârikŋahât pat kuyiŋim pepa âlâ mem kutyene kulemguwan. Yamâ kutyene yâhâpŋe ki hârewom. Nâŋeâmâ awoŋne otmu aŋelolipne yâk yeŋgât senyeŋan kinmâ yeŋgât kutyene yongonmune nâhâlen torokatŋetâ orowâk tatmâ yâhâmbisâin. <sup>6</sup> Otmu Sariti kapi ambolipŋe yen Anitâhât Wâtgât mâmâŋahât Heakŋe den sâm tetem eknohop yu ekyongoan. Yakât mâmâŋe otyiŋimu nâŋgâm heŋgeŋgunomai.” Yesuŋe yawu sâop.

*Pilarepia kapi ambolipŋe yâk yeŋgât sâm kalop.*

<sup>7</sup> Otmu Yesuŋe den âlâ yuwu sâm eknohop. “Nâhât komot Pilarepia kapiân mansai ya yeŋgât ekap yuwu kulemgum katyiŋgirâ ariâk. Nâmâ Yesu. Orotmemene âlepŋe nanŋe mem koko salehâk manmâ gaman. Yu me ya otmune bonŋeâk tetemap. Anitâŋe aŋgoânâk yuwu sâm âi nihiop. “Isirae yeŋgât lok kutdâyeŋe, kutŋe Dawiti sâm, yâkât kawenŋan kinbuat. Yan kinmâ manman kârikŋahât gahatŋe ya mem hindâwuat. Mem

hindârâ aŋ sâmu yakât kakŋan lok âlâ me âlâŋe ya mem maŋgunomaihât dop ki otbuap. Yâhâ gahatŋe ya mem maŋguwuat yamâ lok âlâ me âlâŋe mem hindânomaihât dop gurâ ki otbuap.” Yawu sâmu âi nihiop. Yawu gârâmâ gahatŋe yakât amboŋe yamâ nâ konok. <sup>8</sup> Otmu yakât yuwu sâmune nâŋgâŋet. Manmanyenŋe ya ekmune ârândânŋ oap. Yenŋe biwi golâek manmâ nâhât tem lâum manmâ gai. Otmu nâhât kutne ki kurihim hâkânŋ otbi. Yakât nâŋgâmune âlepŋe oap. Otmu yenŋe nâhât den pat âlepŋe sâmu tetem ekyongonŋetgât emelâk nâŋe gahatŋe ya mem hindâmune kinsap ya nanŋai. Otmu kasalipyenŋe âlâ me âlâŋe ya maŋgunomaihât dop âlâ ki tap.

<sup>9</sup> Yuwu sâmune nâŋgâŋet. Yura lok nombotŋenŋe nâhât hâkânŋ otmâ manmâ yengâlen taka yuwu sâmai. “Nenâmâ Isirae lohimbi tâŋ tâŋ man-sain. Yakât otmâ nenâmâ Anitâhât pat otmâ man-sain,” yawu sâmai. Yawu sâmai yan yengât hâkânŋ otmâ sâmu mem ge katyeksai. Yawu otyiŋŋetâ nâŋgâmune bâleap. Yakât otmâmâ yuwu sâmu hâreyiŋgian. “Lok perâkŋe, amboyenŋe yamâ Satan,” nâŋeâmâ yawu sâmu hâreyiŋgian. Yakât otmâ nâŋe mem dâiyekmâ yengât amutyenŋan katyekomune mannomai. Yanâmâ yengât yuwu sânomai. “Bâe, Yesuŋe lohimbi yu yengât tepŋe nâŋgâmu âlepŋe nanŋe oap yakât nen mem ge katneneksai.” Yawu sânomai.

<sup>10</sup> Otmu lohimbiŋe hânŋan kulemŋan manmai yengât topyenŋe teteâkgât nâŋe sâmune umatŋe topŋe topŋe teteyiŋgiwuap. Yâhâ yengâlenâmâ ki tetewuap. Sâp yanâmâ nâŋe tihityenŋe ot-mune yenŋe kârikŋe otmâ mannomai. <sup>11-12</sup> Yâhâ

yenâmâ emelâk Anitâne manman kârikjahât pat kuyingiop ya biatyingimapgât nângâm biwiyene galemahom mannomai. Yawu otmâ mannomai yan kasalipyenane mem ge katyeknetâ kârikne otmâ mannomai. Yawu mannetâ nâne kâlep ki otmuâk takawom yanâmâ yen meyekmâ Anitâhât miti emetne himbimân tap yakât saran kârikne sâm kânângâyekbom. Kânângâyekmune ki putuk sâm ge kunomai. Manman kârikjahât pat yukât bulâne yingimune menomai yan Awoṅnahât kapi pato, kutne Yerusalem kapi âine sâm, himbimân tap ya gewuap. Gemu ya ambokunomai. Yakât patne yawuâk kuyingiop. Otmu nâ ninahât pat Anitâne emelâk kunihiop. Yawu gârâmâ yawuâk nâhâlen torokatmâ ya mem ambokunomai.

<sup>13</sup> Pilarepia kapi ambolipne yen Anitâhât Wâtgât mâmânahât Heakne den sâm tetem eknohop yu ekyongoan. Yakât yâkne mâmâne otyingimu den yukât topne nângâm henḡenḡunomai.” Yesune yawu sâm teteop.

*Laorika kapi ambolipne yâk yengât sâm kalop.*

<sup>14</sup> Yesune torokatmâ yuwu sâm eknohop. “Yoane, nâhât komot Laorika kapiân mansai ya yengât ekap yuwu kulemgum katyingirâ ariâk. Nâ Yesu. Anḡoân embânân Anitâne hân himbim ki kândikyotgop yapâek nâne tatmâ gawan. Otmu nâ Anitâ orop topnetne konohâk otmu yapâ gâtne Anitâne âi sâm nihiop. Âi sâm nihimu nâne yâkâlen kândiwahom hân himbim pitu âlâlâ topne topne katban. Otmu lohimbine Anitâhât topne nângânetâ haḡ sâyingiâkgât den bulâne ekyongom manban. <sup>15</sup> Nâne yengât biwiyene



ekmune ki ârândân otmap. Yenâmâ pâlâmne manmai. Yakât otmâ nâne yengât ukenne ki nângâyîngian. Otmu nâsin gurâ ki nângâyîngian. Yakât topne nângânetâ keterahâkgât yuwu sâmune nângânet. Sot nemunne pâlâmne otmu âkâm pilâmain yakât dopneâk yen nine komolâmbâ yekmune pâlâmne otmu watyebom.

<sup>16-17</sup> Otmu yengât topyene teteâkgât torokatmâ sâwe. Yejeâmâ yuwu sâmai. “Nenâmâ Anitâne nângâningimu ârândânâk oap yakât iri sikum me senje âlâlâ ya dondâ tatningiap. Hop sambe kakjan mansain.” Yawu sâmai. Yamâ den memai. Yeje topyene ya nângâne sâm hâum pâpguai. Yenâmâ kopa. Otmu nângânetâ ki keterakmap. Otmu topne ekmâ nângâne sâm yakât pâinmâ hâum pâpgumai. Otmu âlâlâ yakât gurâ pâlâmne mansai. Yawu nanjan.  
<sup>18</sup> Yawu gârâmâ yu otjet sâm ekyongomune torokatmâ otmâ manjetâ ârândân otbuap. Yiwerene yuâmâ senyene bok sâmu âlâlâ yakât ekmâ topne ki nanjai. Yâhâ gâmâlâhâmâ nâne sâmune senyene hâreakmu âlâlâ ya ekmâ topne nângânomai yakât dop tatnihiap. Otmu nâhâlen torokatmâ salek salehâk mannomaihât nâhâlen mâtâp tap. Yawu gârâmâ orotmemeyene bâlene ya pilâm nâhâlen gamâmâ nâhât manmanne ya mem hanjalakmâ salek salehâk manmâ yâhânomai. Yawu otmâ manjetâ lohimbî nombotjane yekmâ yengât nângânetâ yahatmu yakât ki anulaknomai. <sup>19</sup> Otmu lohimbîne nâhâlen torokatmâ mansai yane nine orop biwinenne kepeiakmâ konok otmu mansai. Otmu yawuâk torokatmâ mannehât nângâm nâhât komolân

gâtŋe âlâ me âlâŋe otmâ tâpikgune sâm otŋetâmâ nâŋe biwi nâŋgân nâŋgânyeŋe mem kusân yinŋiman. Mem kusânyinŋimune ekmâ nâŋgâm heŋgeŋgum manman âlepŋan manmai. Otmu yeŋe kunyeŋe kârikŋe otmâ hiliwahomaihât sâmune umatŋe âlâlâ teteyinŋiwuap. Otmu yeŋgâlen takamune umatŋe yawuya teteyinŋimapgât yeŋe orotmemeyeŋe bâleŋe ya bet pilâm orotmeme âlepŋeâk otmâ manmâ yâhânomai.

<sup>20</sup> Nâŋe yeŋgât emet hawiŋan kinmâ den sâmune eŋgatne munŋe nanŋai. Yawu gârâmâ lohimbi âlâ me âlâŋe nâhât den towatŋe nâŋgâm yahatmâ launan membuap yâhâmâ nâ orop biwi konohâk otmâ lau konok nem manmâ yâhânom. <sup>21</sup> Otmu nâŋe himbimâmbâ ge Awonaŋe âi sâm nihiop ya tuhum pesuk pilâmune ârândâŋ oap. Yakât dopŋeâk yeŋe gurâ nâhât den nâŋgâm lâum manŋetâ ârândâŋ otbuap otmuâmâ nâŋe sâmune nâhâlen torokatŋetâ orowâk Awoŋne hâlâŋmâ tatmâ yâhânom. <sup>22</sup> Laorika kapi ambolipŋe yen Anitâhât Wâtŋât mâmâŋahât Heakŋe den sâm tetem eknohop yu ekyongoan. Yakât otmâ yâkŋe mâmâŋe otyinŋimu den yukât topŋe nâŋgâm heŋgeŋgunomai.” Yesuŋe yawu sâm teteop.

## 4

*Himbimŋât gahatŋe hindakmâ aŋ sâm kinmu Anitâhât kaweŋe ehop.*

<sup>1</sup> Otmu ya biatmu himbimân gahatŋe âlâ hindakmâ aŋ sâm kinmu ekban. Otmu den me mun pato âlâ emelâk nâŋgâwan ya yawuâk yâhâpŋe tetemu nâŋgâwan. Yamâ yuwu sâm eknohop. “Yu

me ya hâmbâi tetewuap yakât Anitâŋe sâŋ kalop. Garâ yu tiripgohomune ek.” Yawu sâop.

<sup>2</sup> Yawu sâmu yanâk Anitâhât Wâtgât mâmâŋahât Heakŋe biwine mem purik pilâmu yanâk yâhâ tatmâmâ âlâ yuwu ekban. Anitâŋe kawe talop yan laŋinŋe pato siliŋ siliŋ sâmap yawuyane kundenaŋan yerâmu ekban. <sup>3</sup> Otmu hambe mohat yawuya yaŋe kakŋan hawamgum laŋinŋe golâ golâ pato pilâm kinmu ekban.

<sup>4</sup> Otmu lok kunŋe 24, hâk katipŋe kaok bolan bolan yawuya hiŋ hârândâŋ sâsâŋe ya mânunakmâ tatbi. Otmu ŋerendaŋ goliŋak tuhuwi yawuya yaŋe kunyenaŋan hawamgum horaraŋgim tatbi. Otmu yâk yeŋgât kawe tatatyene pato yamâ Anitâ hawamgum ikŋiâk ikŋiâk tatbi. <sup>5</sup> Yâhâ Anitâ patoyeŋe talop yâkâlebâ belek sâmu ekban. Otmu denŋeamâ himbim gunŋuruaŋ sâmu mun pato pilâmap yawuya yakât dop olop. Otmu yâkâlebâmâ kâlâp laŋinŋe sem kilik kilik sâmap yawuya sem kinop. Otmu sem kilik kilik sâop yamâ Anitâhât Wâtgât mâmâŋahât Heak yâku yawuâk, dop yawuâk olop. <sup>6</sup> Otmu Anitâhât dâtâpŋan saru pato nâŋ nâŋ sâmu yan emetsenaŋe siliŋ siliŋ sâŋ hâumu beleŋ sâmap dop yawuya yaŋe kâwinân liŋgarakmâ nâŋ nâŋ sâŋ iop.

Otmu sonŋo papato yawuya imbât mumuhât dop bia yaŋe hawamgum nombot nombot tatbi. Yâhâ senyeŋe yaŋak pato, bet kulet otyiŋgiop. <sup>7</sup> Anŋoân ekban yamâ pusi papatoŋe, kutŋe laion sâŋ, yakât kundenŋe yawuya. Yâhâpŋe ekban yamâ bulimakao pato yawuya. Yâhâ kalimbunŋe

yamâ lok kundenŋe yawu. Yâhâ imbâtŋe yamâ tiwa yawuya. <sup>8-9</sup> Âlâhât konok konok pengamyenŋe nombotgen kalimbu, nombotgen kalimbu yawu talop. Otmu omoŋe hilâmŋe haonŋmâ ârândânŋ An-itâ yuwu sâm kiki mewañgimai.

“Anitâ patonenŋe gâhât tatatge, gâhât wâtge, gâhât orotmemehe ya ae seŋ seŋ me hou sâ sâ. Otmu gâhât nâŋgâmunŋe yahatmap. Gâ embânŋan tatmâ gaon. Otmu tatmâ gat, mâne tatmâ yâhâwion. Yakât otmâ gâhât nâŋgâmunŋe âlâ kândâkdâek otmap.”

Yawu sâm kiki mewañgimai.

<sup>10</sup> Otmu sâp âlâ me âlâen kep mem mepaemaiân yan lok kunŋe 24 ya kerekŋe ŋerendenŋe ya mem yâkât enŋatŋan horatbaŋgimai. <sup>11</sup> Horatbaŋgim nâŋgâŋetâ âlâ kândâkdâ otmu yuwu sâm kiki mewañgimai.

“O, Anitâ patonenŋe. Gike nâŋgân nâŋgâŋan otmat. Otmu gike wâtgan kinmâ hân himbim kândikyotgon. Otmu gikak âliwahap topŋe topŋe hânân kalon yaŋe torokatmâ yâhâwuapgât dop tatgihiawâk. Otmu nâŋgârâ biatbuapgât gurâ dop yawuâk tatgihiap. Yakât otmâ gâ mepaeheksain. Otmu gâhât kutge konok sâm haŋ tuhumunŋe yupâ yapâ arimu ârândânŋ merândânŋ otmâ liŋgarakmâ imap.” Yawu sâmai.

## 5

*Lama Nanŋe yâkât nâŋgâŋetâ yahalop.*

<sup>1</sup> Otmu Anitâ patoņe bātņe bonângen pepa âlâ mem goņgoņgumu ekban. Pepa yamâ nombot nombot kulemguop ya sâlikumai sâm mem goņgoņgum gâoņ nombolân yâhâp sâhâop.

<sup>2</sup> Otmu nâņe aņelo kârikņe âlâ ekban. Yâkņe yahatmâ kinmâ kârikņe halahum yuwu sâop. “Pepa gâoņân tap ya âlâņe mem holaņmâ mewalakum sâlikuwuap?” Yawu sâm den kârikņan sâop. <sup>3</sup> Yâhâ himbimân gâtņe, me hânân gâtņe, me wosapâ wosapâ gâtņe âlâ me âlâņe mem mewalakuwuapgât dop bia. Bia kârikņe. <sup>4</sup> Yawu ekmâ yaņak nâņgâmune dopņan ki otmu eņgat hako nâņgâm hâk nâik nâihâk isewan. <sup>5</sup> Nâņe yawu isemune lok kunņe 24 tatbi yâk yeņgâlen gâtņe âlâņe yuwu sâm eknohop. “Kâmbuk. Yura yeņgât komolân gâtņe pusi pato âlâ, kutņe Laion, yamâ Dawitihât sen, yâkņe mumuņambâ yahatmâ yan Manman bâleņahât Amboņe, kutņe Satan, yâk mem ge kalop. Yâkņe âlepņe gâoņ ya holaņmâ pilâm mem mewalakuwuapgât dop tap. Yâkât wâtņe pato tatbaņgiap. Yakât ki nâņgârâ gorâhimumu ise. Pak sâm ek.” Yawu sâop.

<sup>6</sup> Yawu sâmu pak sâm Anitâhât gotņan soņgo papato ya otmu lok kunyeņe ya yeņgât hohetyeņan Lama Nanņe emelâk kum gâiwi, gutņe orowâk yaņe yahatmâ kinmu ekban. Otmu wâtņe pato nandoroņe tatbaņgiop yakât dop kum nîlipņeâmâ nombolân yâhâp. Otmu biwinenņe ekmâ nâņgâmap yakât dop kum senņe gurâ nombolân yâhâp. Otmu Anitâhât Wâtgât mâmâņahât Heak kinmap yakât dop yawuya olop. Otmu nengât nâņgân nâņgânnenņe kusânakmu Anitâhât topņe

nângânehât ikɲak emelâk hângângumu giop. <sup>7</sup> Otmu Lama Nanɲe yâkɲe yâhâ Anitâhât bânɲe bongen pepa talop ya miop.

<sup>8</sup> Memu yan sonɲo papato otmu lok kunɲe yâkɲe ba mem kuku parahu tuhum mepaewi. Yawu otmu lok kunɲaɲe wanɲam mem kep kuwi. Kep kum yakât kakɲan kondo golinɲak tuhum katɲetâ talop ya kâlehen to kukɲe suk suk yaɲe pindindin sâ m iop ya kondo konok konok mem Anitâhât lohimbi bulâɲe ulitgum mansai ya dop yongom yâk yengât denyenɲe nângâekgât mem uk pilâɲetâ Anitâhât hâmeɲan yâhâop. <sup>9-10</sup> Yawu otmâ yan Lama Nanɲe ya ekmâ mepaem kiki yuwu sâ m mewanɲiwi.

“Gâɲe lohimbi komotɲe komotɲe, emetsenɲe gahanɲehen gehenɲehen, emelâk manbi, âun yu mansai, mâne hâmbâi tete hem mannomai yapâ gâtɲe lok âlâ me âlâɲe gâhât nângâɲetâ bonɲe otbuap yâk sârereyekmâ kaweyenɲan kinbe sâ m hânân gion. Hânân gerâ gâ go-hoɲetâ mum yahatmâ benɲe Anitâhât senɲan kinmâ yâk yengât sâ m ulitgumat. Yakât otmâ yâkɲe Anitâhât pat otbi. Yakât otmâmâ Anitâhât komolân torokatmâ mepaem hoɲ bawanɲim manmâ yâhânomai. Yawu otmâ lohimbi nombotɲe âlâ manman âlonɲo lonɲo manɲetgât galemlipyenɲe sâ m katyekdâ galem-yongom manmâ yâhânomai. Otmu yawu otɲetgât wâtge pato tatgihiap yaɲe pepa yu mem mewalaku.”

Yawu sâ m kiki mewanɲiwi.

<sup>11</sup> Yawu sâ m kiki mewanɲinɲetâ anɲelo kinɲitɲe orowâk, sâ lipyongonomgât dop bia, yaɲe yanâk

tetem kurâp kinmâ hawamyongom yuwu sâm mepaewi.

<sup>12</sup> “Lama Nanje ya kujetâ yapâ mum yahalop. Yakât otmâ mepaem manne. Otmu yâkât orotmemeje, me tatatmemeje, me nângân nângânje yamâ hou sâsâ. Otmu yu me ya otbuapgât dop yakât wâtje ya emelâk Anitâje waŋop. Yâkje âlâlâ yakât amboje oap.” Yawu sâm mepaewi.

<sup>13</sup> Yawu sâm mepaem kinjet Anitâje âliwahap topje topje emelâk embânân kalop, songo bau, saruân gâtje, hân kâlehen gâtje, wosapâ wosapâ gâtje, otmu lohimbi himbingât pat otbi yâk kerekje menduhuakmâ Anitâ otmu Lama Nanje yâk yetgât yuwu sâm mepaeyelekbi.

“Anitâ yahat yahatje otmu Lama Nanje yetgât wâtyetje ya dop konohâk. Otmu âwâ nan yetgât nângân nângânyetje me, me orotmemeyetje me, me kutyetje ya dop konohâk tatyitgiap. Yakât otmâ mepaeyelekne.” Yawu sâm mepaeyelekbi.

<sup>14</sup> Yawu sâm mepaeyelekjetâ yan songo papato imbât tatbi yâkje nângâjetâ ârândânâk otmu “Ya bonjanâk,” yawu sâwi. Yawu sânetâmâ lok kunje 24 yâkje yawuâk sâm mepaeyelekbi. Yawu.

## 6

*Lama Nanje yâkje gâoŋ nombolân konok ya mem holaŋmâ pilâop.*

<sup>1</sup> Yawu sâm mepaeyelekjetâmâ Lama Nanjepepa ya mem kinmu ekban. Yâkje gâoŋ nombolân yâhâp yapâ gâtje konok mem holaŋmâ pilâop.

Mem holaŋmâ pilâmu sonjo papato munomaihât dop bia ya yengât kunyeŋe yaŋe yahatmâ halahuop. Halahumu engatŋe munŋe yamâ himbim guŋguruŋ sâmâp yakât dopŋe nâŋgâwan. Otmu yâkŋe yuwu sâop. “Gam ari.” <sup>2</sup> Yawu sâmu, beâsi kaok kaok yakât kakŋan lok âlâ tatmu ekban. Yâhâmâ beâsi yakât kakŋan talop yamâ lok papatoŋe ŋerenden kunyeŋan horaraŋimai yawuya kunŋan horatbaŋgiwi. Otmu yaŋeâmâ kuk otmâ kasalipŋe itit kiom tuhuyekbe sâmâmâ tembe nananŋe teikum gâitmâ hâum ariop.

<sup>3</sup> Arimu yanâk Lama Nanŋaŋe pepa gâoŋ yâhâpŋe ya mem holaŋop. Mem holaŋmu sonjo papato ya yengâlen gâtŋe âlâŋe yuwu sâmu nâŋgâwan. “Gam ari.” <sup>4</sup> Yawu sâmu yanâk beâsi kuriŋ yaŋe teteop. Yakât kakŋanâmâ lok âlâ talop yaŋe asama pato miakmâek gam ariop. Otmu lohimbî hionakmâ kapam ahonjetgât Anitâŋe mâmâŋe otbaŋgim hâŋgângumu giop.

<sup>5</sup> Arimu Lama Nanŋaŋe gâoŋ kalimbunŋe ya mem holaŋop. Mem holaŋmuâmâ sonjo pato âlâŋe yuwu sâop, “Gam ari.” Yawu sâmu yanâk beâsi helenŋ ya teteop. Yakât kakŋanâmâ lok âlâ talop yaŋe sot me senŋe âlâlâ kakŋan katmâ dop memai ya miop. <sup>6</sup> Ya memu sonjo papato tatbi yâk yengâlen gâtŋe âlâŋe kârikŋe halahum yuwu sâm lok beâsi kakŋan talop ya ekuop. “Gâŋe sot âlâ mem amanŋ tipinŋan mânunđâ tatmu hâmbâi po tetewuap yanâmâ yakât hâmeŋe mem yahatbuat. Otmu sot mem itâkalân mânunŋmâ yakât hâmeŋe gurâ mem yahatbuat. Otmu hânŋan kulemŋan po pato tetem ki liŋgarakmâ imbuap yakât otmâ wain



toŋe otmu nak âlâ, kutŋe oliwa sâŋ, yakât toŋe yakât hâmeŋaŋeâmâ amutgen talâk.” Yawu sâŋ hâŋgâŋumu giop.

<sup>7</sup> Arimu benŋe Lama Nanŋaŋe gâoŋ imbâtŋe ya mem holaŋop. Mem holaŋmu soŋgo papato bâiŋe yaŋe kârikŋe halahum yuwu sâop. “Gam ari.” <sup>8</sup> Yawu sâmu yanâk beâsi gimbaŋ kâiâk mâiâk yaŋe teteop yakât kakŋanâmâ lok âlâŋe talop. Otmu yâkât kutŋeâmâ Mumuhât Mâtâp Pato yawu. Otmu yâkât betŋan lok âlâ, kutŋe Hiliwaho Hiliwaho sâŋ, yaŋe watmâ takaop. Yâkŋeâmâ lohimi mem kâsip misip tuhuyekmâ komot imbât katyehowot. Yawu otmâ komot konohâmâ yongomutâ hiliwahonŋetgât wâtŋetŋe tatyitgiop. Otmu sâmutâ mesek umatŋe teteyiŋgimu lohimi nombotŋeâmâ mum hiliwahowi. Me soŋgo sâtŋaŋe tetem yiŋŋetâ muwi. Me po pato tetemu yanâmâ kapam ahom muwi. Otmu kulem yu teteâkgât yâkŋe gem surutuk sâŋ ba ariowot.

<sup>9</sup> Arimutâ yanâk gâoŋ momeŋe ya mem holaŋop. Mem holaŋmu yuwu tetemu ekban. Hotom u uminiwi yakât alata Yerusalem yengât opon kâmbukŋan talop ya dop kum âlâ yawuya himbimân katmu talop ya tetemu ekban. Yaŋeâmâ embun lohimi emelâk yongonŋetâ muwi ya yengât umutyenŋe ya tatŋetâ ekban. Yâk yengât topyenŋeâmâ yuwu. Embânân angoân lohimi nombotŋaŋe manmâ Anitâhât tem lâum manmâ kasalipyenŋe yengât Porom Lâpio yakât hâkâŋ otbi. Otmu lohimi nombotŋaŋe Yesu mepaem manŋetâ yakât kasalipyenŋe yongonŋetâ muwi. Komot yâhâp ya yengât umutyenŋe ya

ekban. <sup>10</sup> Otmu Anitâ yuwu sâm ulitguwi. “O, Ambonenne, topge yamâ ikñiâk tap, ki otmâ tâpikgumat. Yakât otmâ nen kerekne yuwu sâm âihohomunne nângâ. Lohimbiñe hânân manmâ kasa otningim nongoñetâ muwin yakât sâp girawu yaen gâñe matñe otyiñgiuwat?” Yawu sâwi.

<sup>11</sup> Yawu sâñetâ yanâk Lama Nanñe yañe sângum kaok konok konok yingimu menetâ yuwu sâm ekyongop. “Yen tipine tatmâ nângâñet. Anjoân yen yongoñetâ muwi. Otmu yapâ torokatmâ bukulipyene yawuâk yongoñetâ mum gawi. Otmu torokatmâmâ hâmbâi nombotñe âlâ yawuâk yongoñetâ munomai ya Anitâñe yekmâ nângâmu dopñan otbuap. Yanâmâ yen yongowi yakât matñe nâku kâpekyiñgiwom.” Yawu sâop.

<sup>12</sup> Yawu sâm gâoñ nombolân konokñe ya mem holañop. Mem holañmu yan yuwu tetemu ekban. Yanâmâ mososoñ pato miop. Memu yan hilâmgât emetsenñe irik irik sâop yamâ kâlâp gâwuñe yawu olop. Yâhâ omongât emetsenñe yañeâmâ kuriñ kuriñ hâum hepnennñe gemu ekmain yakât dopñeâk olop. <sup>13</sup> Otmu siru pato memu nak esenñane beretek sâm hânân gemap yakât dop otmu himbimâmbâ pitu yañe aksihâk beretek sâm gewi. <sup>14</sup> Yâhâ nennñe sângum mem pâñ pâñ kepehemain. Yakât dopñeâk himbim yamâ ba nombot ga nombot, nombot nombot yañe yawu kepeiahop. Otmu punñe papato otmu mâtuña yañe aksihâk kaweyenñe pilâm orotok sâm gulip malap otbi. <sup>15</sup> Otmu lohimbi kerek, lok papato me inñe, lok kunñe me tâñât, kaok me helen, iri sikumyene orop me umburuk mansai, lok topñe

topŋe kerehâk ya tetemu wosapâ ba misiŋgurakne sâŋ hâum pâpŋuwi. <sup>16-17</sup> Ya misiŋgurakne sâŋ hâum pâpŋum yan yuwu sâwi. “Bâe, yuâmâ sâp pato tâlâhuap. Yawu otmâ Anitâ otmu nanŋe yâk yetŋak kuk pato otningim sâmutâ âlâlâ yakât wâtŋe biatbe sâŋ oap. Yakât otmâ nen yu gulip otmâ metenomosain yukâ. Anitâ nanŋaitŋe ewun tatmâ nenekdomosawot yamâ embaken hân kâlehen hangunom. Nen yâkât senŋan âlepŋe wâtnenŋe tatningimu eknomgât dop âlâ ki tap. Yakât girawu otmâ misiŋgurakne. Yakât otmâ kât pato me, pumŋe lauŋe yaŋe nenehâkgât nanŋain.” Yawu sâwi.

## 7

*Isirae lohimbi komotŋe komotŋe ya yengât kundenyenjan undip katyehop.*

<sup>1</sup> Otmu ya biatmu yakât kakŋan aŋelo imbât kinŋetâ yekban. Aŋelo imbât yaŋeâmâ hân nombot nombot siru pato dondâ pilâop yakât mâtâpŋe kum maŋguwi. Kum maŋgunetâ nâŋ nâŋ sâop. <sup>2</sup> Yawu otmu yan aŋelo âlâŋe sikop gahanjehen tetem kinmâ Anitâ manman amboŋe yâkât komot ya yengât kundenyenjan undipŋe katyekbe sâŋ kinop. <sup>3</sup> Yawu kinmâ bukulipŋe yuwu sâŋ ekyongop. “Yen siru ya ki pilâŋetâ miâk. Nenŋeâmâ aŋgoân sâp yiwerenŋe yu Anitâhât lohimbi yamâ ikŋahât undip katyekmunŋe tâŋ tâŋâk tetemuâmâ yakât kakŋan siru ya pilâŋetâ miâk. Mem yan Anitâhât kasa ya meteyehâk. Otmu undipŋe orowâk katyekmunŋe kinnomai yamâ ki meyekbuap.” Yawu sâop.

<sup>4</sup> Otmu Isirae lohimbi Anitâhât komolân gâtņe yongonņetâ nânġâwan yamâ emelâk yâkât pat otbi. Yâk yengât dop yamâ menduhuakņetâ 144,000. Otmu Isirae lohimbi yuņe hionġakmâ komot kâi nombotgen yâhâp otbi ya yengât dopyeņe yuwu. <sup>5</sup> Yura yâk yengât komolân gâtņe yapâmâ 12,000 yakât dop. Otmu Luwen yâkât komolân gâtņe gurâ 12,000. Otmu Gat yâkât komolân gâtņe gurâ yawuâk 12,000. <sup>6</sup> Otmu Asehât komolân gâtņe gurâ yawuâk 12,000. Otmu Naptalihât komolân gâtņe ya gurâ yawuâk 12,000. Otmu Manasehât komolân gâtņe gurâ yawuâk 12,000. <sup>7</sup> Otmu Simionġât komolân gâtņe gurâ 12,000. Otmu Lewihât komolân gâtņe gurâ 12,000. Otmu Isasahât komolân gâtņe gurâ 12,000. <sup>8</sup> Otmu Sewulungât komolân gâtņe gurâ 12,000. Otmu Yosepgât komolân gâtņe gurâ 12,000. Otmu bânġeâmâ Benyamingât komolân gâtņe 12,000. Lohimbi komot yuņe Anitâhât pat otbi.

*Lohimbi kinġitņe orowâkņe kinmâ Anitâ yet Yesu mepaeyelekbî.*

<sup>9</sup> Ya ekmune pesuk sâmu yakât kakņan lohimbi kinġitņe orowâk hânņan kulemņan manbi yaņe taka menduhuakmâ kinņetâ yekban. Otmu lohimbi ya sâlipyongonomġât dop bia. Yaņe Anitâ otmu Lama Nanņe yâk yetġât gotyetņan kinbi. Kinmâ sâņġum kaok bolañ bolañ mânuņakņetâ ge enġatyenambâ hârâtâhâk kinmâ ariop. Yâkņe awu tawu mem lapu lapu tuhum yuwu sâm Anitâ mepaem kinbi. <sup>10</sup> “O, Anitâ Tihit Amboņe. ġâņe nen gike pat sâm kuningion. Yakât otmâ ki hiliwahonom. Otmu gike nange, Lama Nanņaņe nengât

tosahât otmâ umatŋe miop. Yakât otmâmâ sâp yiwerenŋe yuâmâ nenŋe manman âlepŋan manmâ gain.” Yawu sâwi.

<sup>11</sup> Yawu sâŋetâmâ aŋelo kiŋgitŋe orowâkŋe men-duhuakmâ Anitâ otmu Lama Nanŋe, soŋgo papato imbât, lok kunŋe yâk kerek hawamyongom kurâp kinbi. Kurâp kinmâ Anitâ mepaem yuwu sâwi.

<sup>12</sup> “Nen Anitâ Ambonennahât wâtŋan manmain. Yâk nâŋgân nâŋgânŋe âilonŋo. Otmu âlâlâ yakât amboŋe oap. Yâhâmâ laŋinŋanâk tatmâ gamap. Manman amboŋe yu bulâŋe. Otmu yâkŋe buku âilonŋo otningim gamap yakât mepaembisâin.” Yawu sâwi.

<sup>13</sup> Yawu sâŋetâ lok kunŋe 24 yâk yengâlen gâtŋaŋe yuwu sâm âinohop. “Lohimbi yu sâŋgum kaok bolan bolan mânunjakmâ kinsai ya wosakembâ takai? Otmu topyenŋeâmâ girawu?”

<sup>14</sup> Yawu sâm âinohomu yuwu sâm ekuwan. “Nâmâ wongât âinohoat? Gâŋe eknohoâyâ.”

Sâmune sâop. “Lohimbi yuâmâ emelâk kasalipyenŋe mem ge katyekne sâm mem âlâlâ tuhuyekŋetâ hâhiwin kakŋan manmâ gawi. Yawu otyiŋgiŋetâ sâtŋum manmâ biwiyenŋe Yesuhâlenâk katmâ manbi. Yakât otmâmâ emelâk Lama Nanŋe hepŋaŋe tosayenŋe pirim ikŋe pat kuyiŋgiop.

<sup>15</sup> Yakât Anitâhât senŋan kinmâ sâp ârândânŋ yâk mepaem hoŋ bawaŋgim manmai. Yawu otmâ manmâ yâhâŋetâ Anitâ manman amboŋaŋe galemyongom mâmâŋe otyiŋgimap. <sup>16-17</sup> Otmu Lama Nanŋe yamâ Anitâhât senŋan kinmâ gamap. Yawuhât yâku yawuâk yâk yengât galem otmâ manman kârikŋe yakât to senŋanâk dâiyekmâ arimu yan nem piriakmâ mepaeakmâ

mannomai. Yawu otmâ Anitâne yâk yengâlen umatne âlâlâ teteyingimapgât manman sânduhân katyekmâ wawaeyekbuap. Yakât kakņanâmâ yâhâpne torokatmâ engat hako otmâ gilâp isenomaihât dop ki tap. Me sotgât yâhâpne ki po yingimu munomai. Me tohât engatyene ki san sâwuap. Me sikopne yongomu yan wâtyene ki houj sâwuap.” Yawu sâop.

## 8

*Lama Nanņe yâkne gâoņ bâiņe ya mem holaņmâ pilâop.*

<sup>1</sup> Ya ekmune biatmu Lama Nanņane gâoņ nombolân yâhâpne ya mem holaņop. Mem holaņmu yanâk mun ya bialop. Mun ya biatmu Anitâ hawamgum kinbiņe in tatmâ hutuk sâm kinbi. <sup>2</sup> Yawu kinņetâ kâlep ki otmâek aņelo nombolân yâhâp yaņe Anitâhât senņan tetem kinņetâ yekban. Kinņetâ Yesuņeâmâ lâmun nombolân yâhâp ya yingimu mewi. <sup>3</sup> Otmu yâk yengâlen gâtne âlâņeâmâ kondo goliņak tuhuwi ya memâmâ alata yan hotom uwi yakât nombotgen ari kinop. Otmu lohimbi nombotņe alata amutgen kinmâ yan Anitâ ulitgum manbi ya yengât den ya haņ sâm yâhâmu tepņe nâņgâyiņgiâkgât Yesuņe to kukņe suk suk yamâ gâimu kondoân ya pik sâm iop. <sup>4</sup> Pik sâm imu aņeloņe mem moselemu Anitâhât hâmeņan yâhâop. Yâhâmu yanâmâ tepņe nâņgâyiņgiop. <sup>5</sup> Otmu ya pesuk sâmu aņelo yaņe alata yapâ kâlâp mem kondo kâlehen katmâ mem ari akņangen panmu hânân sem tok sâm giop.

Hânân gemu elem ya tok sâmbêlek sâmbu himbim guᅅguruᅅ sâop. Himbim guᅅguruᅅ sâmb arimu mososoᅅ pato miop.

*Anjelo kândikuᅅe lâmunᅅe kunop.*

<sup>6</sup> Otmu anjelo nombolân yâhâp yaᅅe lâmunyeᅅe âlâku konok konok miakmâ kunne sâmb otmâ menduhuakmâ kinᅅetâ yekban.

<sup>7</sup> Anjelo anᅅoân lâmun kunop, sâp yanâmâ gelâk kândâk kândâk otmu kâlâp yaᅅe hepᅅak pato otmâ hânân kioᅅmu ekban. Yâhâ hânân giop yaᅅeâmâ puᅅ sâmb hewukᅅe nombotᅅeâk siop. Komot kalimbu gârâmâ yakât hohetyeᅅambâ gâtᅅe konohâk yaᅅeâmâ sem meteop. Yâhâwâmâ talowot.

*Anjelo yâhâpᅅaᅅe lâmunᅅe kunop.*

<sup>8</sup> Yawu otmâmâ anjelo yâhâpᅅaᅅe lâmunᅅe kunmu yan wahap âlâ giop. Yamâ kâlâp pato yawuya. Yaᅅeâmâ ge saru kâlehen giop. Saruân gemu yan saru torehenᅅe giowângen yaᅅeâmâ hewâk pato olop. <sup>9</sup> Hewâk pato otmu saruân gâtᅅe yan iwi ya aksihâk muwi. Otmu nombotᅅe saruân waᅅga mem bam gam otmâ manbi yâk gurâ yawuâk saru kakᅅan gulip otbi. Yâhâ nombotᅅe pato yamâ âlepᅅe hâmeyeᅅe kinop.

*Anjelo kalimbuᅅaᅅe lâmunᅅe kunop.*

<sup>10-11</sup> Anjelo kalimbuᅅaᅅe lâmunᅅe kunop. Kunmu pitu pato âlâ, kutᅅe Kalak sâmb, yaᅅe sem laᅅ laᅅ sâmb kioᅅop. Yaᅅe himbimâmbâ ewapâ gemu yan to senᅅe senᅅe yakât nombotᅅeâk kalak olop. Komot kalimbuᅅambâ komot konohâk yaᅅeâmâ kalak olop. Yâhâ yâhâp yamâ ukenᅅe yawuâk

olowot. Yawu otmu lohimbi nombotŋaŋe to kalak newi yaŋe muwi.

*Aŋelo imbâtŋaŋe lâmunŋe kunop.*

<sup>12</sup> Aŋelo imbâtŋaŋe lâmunŋe kunop. Kunmâ dewutâ emetsenŋe pitu topŋe topŋe laŋinyeŋe yamâ kâtâpgumu omoŋguop. Otmu dewutâ nombotŋe yamâ nombolâk pilâmu nomborâmâ omoŋguop. Otmu emetsenŋe yawuâk, otmu pitu gurâ yawuâk laŋinyeŋe inin pilâmu sânduk sâmiop. Yawu otmu hilâmgât emetsenŋe ya kâtâpgumu hilâm kârikŋan omoŋ sâhâop. Otmu dop yawuâk omoŋgât emetsenŋe ya gurâ kâtâpguop.

<sup>13</sup> Otmu ya biatmu yakât kakŋan âlâ tetemu yuwu ekban. Tiwa pato pâp pâp sâmi hanân yâhâm arimu ekban. Hanân yâhâm ari kârikŋe halahum yuwu sâop. “Bâe, âlâlâ teteap yuâmâ ki orotŋe. Aŋelo nombotŋe âlâ yâkŋe lâmunyeŋe kunne sâmi oai. Kunŋetâ sâp yanâmâ umatŋe topŋe topŋaŋe lohimbi kakyeŋan yâhâwuap. Hâmbâi yan girawu otnomai sâmi nâŋgâm oan yukâ.” Yawu sâop.

## 9

*Aŋelo momenŋaŋe lâmunŋe kunop.*

<sup>1</sup> Aŋelo momenŋaŋe lâmunŋe kunop. Kunmu yan pitu pato âlâŋe himbimâmbâ gemu ekban dop yawuya aŋelo âlâŋe himbimâmbâ gem hanân kioŋop ya tetemu ekban yakât topŋeâmâ yuwu. Yâkŋe hem nâpumŋe yapâ âlâlâ bâleŋe topŋe topŋe holaŋmu yahatmâ ariâkgât himbimâmbâ giop. <sup>2</sup> Gem hem nâpum yakât gahatŋe ya mem



pilâmu aŋ sâmu utun pato gam yâhâm emet-senŋe ya kâtâpŋuop. Kâtâpŋumu omoŋ pato sa-hahop. <sup>3</sup> Otmu utun yâhâop yakât biwiŋambâ dimuŋ tem pato ya teteop. Tetem utun ya biwiŋambâ gemâmâ kulahâ bâleŋaŋe ningimap dop yawuâk yinŋiop. <sup>4</sup> Otmu amboyeŋaŋeâmâ yuwu sâm ekyongop. “Yenâmâ nak me senŋe âlâlâ esenŋe ya nene sâm ki genomai. Me Anitâhât lohimbi undip katyŋinŋetâ yâkât pat otmâ mansai yâk yekmâmâ hâhiwin ki yinŋinomai. Yâhâ nâŋe mâmâŋe otyŋinŋimune ari lohimbi tâŋât, undipyenŋe bia yamâ hâhiwin pato yinŋinomai. <sup>5</sup> Hâhiwin yinŋinŋetâ sâtŋum manŋetâ emetsenŋe mome pesuk sâmu yanâmâ sânduk sâwuap.” Yawu sâm hâŋgânyongop. <sup>6</sup> Hâŋgânyongomu ge lohimbi yinŋinŋetâ hâhiwin nâŋgâwi ya biatyŋinŋiâkgât mâtâp hâum pâpŋum manbi. Hâhiwin ya yawuâk nâŋgâm manŋetâ emetsenŋe mome pesuk sâmu yanâk hâkyenŋe sânduk sâop.

<sup>7</sup> Otmu dimuŋ yaŋeâmâ yinŋine sâm beâsiŋe beren beren otmâ kinmap dop yawuâk otmâ kinŋetâ yekban. Yâhâ kunyenŋeâmâ ŋerendenŋe goliŋak tuhumai yawuya mem lok papatoŋe ŋerendenŋe horaraŋimai dop yawuyenŋe horaraŋim kinŋetâ yekban. Kun kundenyenŋe yamâ lok nengât kun kunden yawuya. <sup>8</sup> Yâhâ somotyenŋe yamâ kâkâlep yaŋe silik solok sâm giop. Yâhâ sâtyenŋe yamâ puaia sâtŋaŋe kâkitik sâmap, dop yawuya. <sup>9</sup> Yâhâ dihinyenŋahât katipŋe yamâ hâmbâ kârikŋe yawuya. Yâhâ penŋamyenŋe mun pato pilâop yamâ gâmut huwuwuŋ sâm gam arimu nâŋgâmain yawuya bia. Ya wangim dop âlâ olop.

<sup>10</sup> Yâhâ sopyeñeâmâ boson boson sopñe yawuya. Otmu yañeâmâ lohimbi kêrâyekmu hâhiwin pato nângâwi. Hâhiwin pato nângâwi yakât kakñan emetsenñe mome pesuk sâop. <sup>11</sup> Otmu amboyeñe yamâ añelo âlâ hem nâpum pato tumuñe ki ehekñe yakât amboñe. Añelo yakât kutñe yamâ Isirae yengât denân Awaron, yâhâ Girik denân Apolion sâmai. Yakât topñeâmâ yuwu tap. “Kiom Amboñe.”

<sup>12</sup> Otmu añelo momerâñe lâmunyeñe kunbi yapâ umatñe teteop yamâ bialop. Otmu umatñe yâhâpñe otmu kalimbuñe tetewe sâm olop.

*Añelo nombolân konokñeñe lâmunñe kunop.*

<sup>13</sup> Añelo âlâ nombolân konok yañe lâmun ya kunop. Kunmuâmâ alata amutgen kinbi yañe Anitâ yuwu sâm ekuwi. <sup>14</sup> “Emelâk añelo imbât yañe to pato âlâ, kutñe Euparata sâm, yan lohimbi bâleñe yañe matñe menomai yakât mambotmâ tatñet sâm dâmân kêlehen katyekñetâ tatbi. Katyekñetâ tatñetâ emelâk yongone sâm yakât hewewen otmâ mitiwahom tatbi. Yâhâmâ matñe yingñetgât añelo lâmun kunmâ kinsap yu hângângurâ holanyekmu aringñetgât nanñain.” Yawu sâwi.

<sup>15</sup> Yawu sâñetâ yanâk ari holanyekmâ lohimbi kâsipyongonñetâ komot kalimbu otbi ya yengât hohetyeñambâ gâtñeñe komot konok mem gulip tuhuyekñetgât sâm hângânyongop. <sup>16</sup> Hângânyongomu emelâk arine sâm bunewâk hengemahom tatbihât yapâ yahatmâ ariwi. Otmu yâk yengât kapam lok beâsi kakñan tatbi ya sâlipyongonomgât dop bia. Yamâ komot pato, 200 milion yawu.

17 Otmu kapam lok beâsi kakņan ariwiņe kapamgât hâk katipņe topņe topņe mem haņgalakbi. Nombotņe kisi kisi, nombotņe kuriņ, kâlâp koketņe kuhuluņ kuhuluņ yakât dop me hep yawuya, yâhâ nombotņe gimbaņ yawuya. Yâhâ beâsi yeņgât towatyene yamâ yuwu. Kunyeņe yamâ pusi pato, kutņe Laion sâm, yâkât kunņe yawuya. Wâtyene pato tatyņgiop yakât lauyeņambâmâ kâlâp pato sem kilik kilik sâm punduņ sâm kinmap yawuya ekban. Yaņe ari lohimbi kâsipyoņeņetâ komot kalimbu otbi ya yeņgât hohetyeņambâ gâtņe komot konok sem gulip tuhuyeķeņetgât sâwi. <sup>18-19</sup> Yamâ betyeņehen otmu dâtâpyeņehen yamâ sâtņeâk hârok. Yâhâ hapeyeņahât sâtņe yamâ mumakgât sâtņe dop yawuya bia. Ya wangiap. Yaņe lohimbi kerek hilipyoņgomu hâhiwin dondâ nâņgâm muwi.

20 Otmu lohimbi komot kalimbu tatbi. Yapâ gâtņe komot konok emelâk gulip otbi. Yâhâ komot yâhâp tatbi yaņeâmâ orotmemeyeņe bâleņe ya ki bet pilâwi. Yamâ kunyeņe kârikņe otmâ torokatmâ weke bâleņe yeņgât nâņgâņetâ bonņe otmu mepaeyekbi. Yâhâ Porom Lâpio yawuya yeņgât umutyene ya hâwiwi, me kâtņak gâiwi, me goliņak me siliwanak um kutakum yaņak mepaewi. Yawu otmâ wahap tâņât, hâliņe bia, yakât nâņgâņetâ yahalop. <sup>21</sup> Otmu kombo meyiņgine sâm dondâ yoņoņetâ muwi. Me sait bâleņe, me karasuņa, me kâwâ konda me âlâlâ ya otbi. Yawu otmâ manmâ Anitâhâlen biwi nâņgân nâņgânyeņe ki kepeiwi. Orotmeme bâleņe ya torokatmâ otmâ manbi.

# 10

## *Aņelo âlâņe pepa mem Yoane waņmu niop.*

<sup>1</sup> Otmu ya pesuk sâmu aņelo âlâ ekban. Yamâ wâtņe pato nandoroņe tatbaņgiop yaņe himbimâmbâ elem kulewoņboņ biwiņambâ gemu ekban. Aņelo yakât kun kundenniņe yamâ sikopņe siliņ siliņ sâm hâumap yakât dop otmâ laņinņe pilâmu yâkât kun kundenniņan yamâ hambe mohat yaņak pato otmu ekban. Kâi pawutņe yamâ kâlâp semu koketņe laņ laņ sâm imap dop yawuya.

<sup>2</sup> Yâhâ bânņan pepa mem talop yaņe perereņ sâop. Otmu kâiņe perereņ sâm bonângenniņe saruân tâlim kanehenniņe hânân tâliop.

<sup>3</sup> Yawu otmâ yan halahuop. Halahumu elem pato ya hâreakmu himbim guņguruņ sâmu nâņgâwan.

<sup>4</sup> Topņe ya nâņgâm kulemguwe sâm ot tatmune benņe, Yesuņe himbimâmbâ den âlâ yuwu sâop. “Yoane, elem kulewoņboņ munņe pilap yakât topņe ki kulemgu. Yamâ inâk ândâwâk nâņgâm biwihanâk katbuat.” Yawu sâop.

<sup>5</sup> Otmâ aņelo yaņe bânņe bongen siwira hom panmâ himbimân ekmâ yuwu sâop.

<sup>6</sup> “Anitâ man-man amboņe. Gâ embâņân tatmâ gaon. Otmu tatmâ gat, mâne tatmâ yâhâwion. Wâtge kârikņe pato tatgihiap. Yawu tatgihiapgât otmâ himbimân, hânân, toen, saruân, me senņe âlâlâ wosapâ wosapâ tatmâ arai ya gâņe sârâ tetewi.

<sup>7</sup> Wâtge pato yawu tatgihiap yakât otmâ sârâ sâp pato yu emelâk tâlâhuap. Yakât otmâmâ sâp yiwerene yu alata amutgen kinsai ya yeņgât nâņgâmâmâ kasalipyene matņe bâleņe yiņgirâ meņet. Otmu emelâk gâņe poropetelipge den ekyongorâ sâm

tetem gawi yakât bulânje yiwerenje teteâkgât yakât anjelo nombolân yâhâpñaje lâmunje ya kunâk.” Yawu sâop.

<sup>8</sup> Yawu sâmu yanâk Yesuje himbimâmbâ yuwu sâm eknohop. “Anjelo kâinje nombotje hânân tâlim nombotje saruân tâlim pepa mem perereng tuhumm kinsap ya ari bânjan me.” Yawu sâop. <sup>9</sup> Yawu sâmu arimune anjelo yaje yuwu sâm eknohop. “Pepa yu gihimune mem ne. Nendâmâ lauhan membuap. Yâhâ nem kut pilârâ tepgan gewuawâmâ tepge irik irik sâmu hâhiwin nângâuwat.” Yawu sâm eknohop.

<sup>10</sup> Yawu sâm mem nihimu newan. Mem nemune kâkânan bâok sâop. Yâhâ tepnan giop yanâmâ hâhiwin nihiop. <sup>11</sup> Hâhiwin nihim yanâmâ yuwu sâm eknohop. “Gâ ihilâk lohimbi hânjan kulemjan kapi wosapâ me wosapâ manmâ arai ya yengâlen ari yu me ya teteyingiwuapgât topje sâm tetem ekyonguwat.” Yawu sâm eknohop.

## 11

### *Anitâhât hoñ bawa lok yâhâp yâk yetgât topyetje*

<sup>1</sup> Otmu kapam dop tuhu tuhu ya mem nihim yuwu sâm eknohop. “Gâ yahatmâ ari. Anitâhât opon kâmbukñahât ginje hotom umai yakât tunge nombot yakât dop tuhumm ek. Otmu lohimbi nombotñaje Anitâ hoñ bawanjim mepaem kinsai ya amonje kinsai ya sâlipyongom dopyenje nângâ. <sup>2</sup> Yâhâ Anitâhât topje ki nângâmai yamâ yaehen tai yâhâmâ kasalipyenaje taka emet kapiyenge Anitâhât kawenje tap ya limbârõngum hâhiwin yinginetâ sâtgum mannomai. Sâtgum manjetâ emetsenje 42 pesuk sâwuap. Yakât otmâ

yâhâmâ ki sâlipyongowuat. Pilâyekdâ in tatnomai.  
<sup>3</sup>Yawu otmâ hâhiwin nângâm sâtgum manjetâ yan nâņe hoņ bawayâhâtne yâhâp katyelekmune lohimbi yaņe munomaihât kou kendâmahom kunyetņan kepeim Anitâhât topņe sâm ekyongom manmutâ emetsenņe 42 pesuk sâwuap.” Yawu sâop.

<sup>4</sup>Yâhâ Anitâhât hoņ bawa lok yâhâp yâk yetgât topyetņeâmâ yuwu. Yâhâmâ nak âlâ, kutņe oliwa sâm, yawuya. Me balam yâhâp sem kilik kilik sâm kinmap yawuya. Yâkņeâmâ Anitâ hoņ bawaņgim yâkât topņe sâm tetem ekyongom mandomawotgât sâm yitgiop.

<sup>5</sup>Yâhâ tetemu ekban yakât torokatmâ yuwu sâwe. Lohimbi nombotņane orotmeme bâleņe otmâ mansainņe yotgone sâm gotyetņan arinetâ yâk yetgât lauyetņambâ kâlâp punduņ sâm seyekbuap. Yakât sâm kalop. <sup>6</sup>Lok yâhâp yaņeâmâ Anitâhât wâtņan kinmâ gelâk âlâ ki giâk sâmutâ ki gewuap. Sâp yan Anitâhât den ekyongoromawot. Yâhâ to senņane hep olâk sâmutâ hep otbuap. Me kundat umatņe topņe topņe teteyiņgiâkgât nângâromawot ya gurâ âlepņe teteyiņgiuwawâk. Yakât wâtıyetņe pato tatyitgiap.

<sup>7</sup>Otmu Anitâhât den ya sâm tiņ pilâromawot yan hem nâpum bâleņahât amboņe yaņe yapâ yahatbuap. <sup>8</sup>Yahatmâ kapi âlâ kutņe âiņe Sotom sâm, otmu kutņe âlâmâ Aihita, yan Kutdâyetņe howanân kuņetâ muop kapi yan ari kasa otyitgim yotgomu mundomawot. <sup>9</sup>Yawu otyitgimu yan mitihât kasa hânņan kulemņan kapi wosapâ me wosapâ gâtņane yâk yetgât den pat ya

nângâm taka yelekmâ mem hanyotgomaihât galem-yetne kinjetâ ki mem hanyotgonomai. <sup>10</sup> Yawu otjetâmâ nombotņane yuwu sânomai, “Bâe, hoņ bawa yâhâp yuņe taka hâhiwin kakņan katnenek-mutâ sât gum manmâ gain ya muawot.” Yawu sâ m bukulipyene orop yeneâk herone nanğanğim senne âlâlâ anği guņgi otmâ yâhânomai. Otmu yâk yetgât sâ m torokatyitğim oņ giriņ otnomai. <sup>11</sup> Yawu otjetâ hilâm kalimbu otmu âlâhât nombolâk ya pesuk sâ mu imbâtņan hilâm kârikņan yanâmâ Anitâhât Wâtgât mâmâņahât Heakņe ge mâmâņe otyitğimu yahatdomawot. Yahatmâ kinmutâ yan lohimbi nombotņane gotyetņambâ gam arinomai yane yelekmâ umutyene arimu kiņgityeņahât dondâ otnomai. <sup>12</sup> Yawu otmutâ yanâk himbimâmbâ Yesuņe den âlâ yuwu ekyotgowuap. “Yet yuân gayet.” Yawu sâ m ekyotgomu elem kulewoņboņ biwiņambâ yâhâmutâ kasalipyetņane yeleknetâ sâtne otbuap.

<sup>13</sup> Yâhâromawot yanâk mososoņ pato membuap. Memu emetyene mem gâsuk tuhumu amon âlâek yane putuk sâwuap. Otmu lohimbi matne 7000 yongomu munomai. Muņetâ yanâmâ lohimbi nombotņe ki hiliwahonomaiņe Anitâhât kulem ya eknetâ sâtne otmu yâkât nânğânetâ yahatbuap. <sup>14</sup> Umatne yâhâp teteap yamâ pesuk yap. Yakât kakņan kalimbune yu tetewe sâ m oap.

*Anęlo nombolân yâhâpņane bâiņe lâmunņe kunop.*

<sup>15</sup> Anęlo bāt nombolân yâhâpņe, bukuyene bâiņe yane lâmun kunop. Kunmuâmâ anęlo kiņgitņe orowâkņe den kârikņan yuwu sâņetâ gemu nânğâwan. “Kutdânenņe Anitâņe nanņe

hângângumu ge lohimbi yengât lok kutdâ manmâ tihityeņe otmâ manbisâp yakât sâp emelâk tâlâhuap.” Yawu sâm mepaewi.

16 Otmu lok kunņe papato 24 ya Anitâ hawamgum tatmaiņe yuwu sâm Anitâ kiki mewangiwi.

17 “O, Anitâ, Wâtgât Amboņe. Embânġân hân himbim ki kândikyotgonâmbâek tatmâ gaon. Otmâ tatmâ gamat.

Sâp yiwerene yu topņe katmâ lohimbi hânġan kulemġan manmâ arai yamâ gâņe galemyeņe pato otmâ yâhâuwat. Yakât nâņgâmunņe hân himbim pâroņ oap.

18 Yâhâ lohimbi nombotņe gâhât topge ekmâ nâņgâhihiņetâ gemu betgihim komolipge mem âlâlâ tuhuyekmai. Yawu otmâ orotmeme bâleņe otmâ manmâ gai yakât matņe yiņgiwe sâm oat. Matņe yiņgiwe sâm otdâ kuk pato otmâ ahone sâm oai. Otmu gâņe lohimbi kerek yengât biwiyene ekmâ nâņgâm matņe yiņgiuwatgât sâp ya tâlâhuap. Yakât otmâ gâ mepaeheksain.

Otmu sâp yiwerene yuâmâ poropete nombotņe gâhât tem lâum manmâ gawi, me lohimbi nombotņe gâhâlen biwi nâņgân nâņgânyeņe kepeim manmâ gawi, yâkņe hâmeņe âlepņe menomaihât sâp yu tâlâhuap. Yakât sâm gâ mepaeheksain.”

19 Yawu sâm kiki mewangiņetâ Anitâhât opon kâmbukņe himbimân tap yakât gahatņe ya hindakmâ aņ sâm kinop. Hindakmâ aņ sâm kinmu yakât kâlehen girem den sâm kulemgum kalop yakât katipņe ya tetekġan otmu ekban. Yawu otmâ



belek sâmbim guᅅguruᅅ sâmb gelâk kândâk papato giop. Yawu otmâ yan mososoᅅ pato memu hân hârohâk sâmb sâmb sâop. Yawu tetemu ekban.

## 12

*Imbi âlâᅅe naom memu puaiᅅe nem kereᅅgetbe sâmb olop.*

<sup>1</sup> Kulemb âlâ himbimân yuwu tetemu ekban. Imbi âlâ hâk katipᅅe mânunjakmâ talop yakât kundenneâmâ sikopᅅe siliᅅ siliᅅ sâmb hâumap yawuya. Yâhâmâ omongât emetsenᅅe laᅅinᅅe pilâop yakât gotᅅan kinop. Yâhâ kunᅅe mâpuᅅanâmâ pitu kâiân yâhâp tatbi. <sup>2</sup> Otmu imbi yamâ tepdâek. Yawu gârâmâ naom ya membe sâmb hâliiakmu hâhiwin nâᅅgâm isem talop.

<sup>3</sup> Yawu olop yakât kulemb âlâ himbimân yuwu tetemu ekban. Puaia kuriᅅ bâleᅅe yawuya. Kunᅅeâmâ bât nombotgen yâhâp. Yâhâ kunᅅe ya ârândâᅅâk lok papatoᅅe ᅅerendenᅅ horaraᅅgimai yawuyaᅅe hârâtâhâk horaraᅅgim talop. Yâhâ ᅅilipᅅeâmâ bât nombot nombot hârok. <sup>4</sup> Yâhâ yaᅅe himbimân pitu kâsipyongomu komot kalimbu otbi. Komot konok yamâ aksihâk hapenᅅe gâwâreyekmu pek sâmb hânân gewi. Yâhâ komot yâhâp yamâ pilâyekmu yanâk tatbi. Otmu imbi yaᅅe naom ya memu puaiᅅe nembe sâmb imbi yakât gotᅅan ba kinop. <sup>5</sup> Yâhâ imbi yaᅅe naom miop yaᅅeâmâ hâmbâi lohimbi hârok yengât lok kutdâ manmâ tihityeᅅe otbuapᅅât Anitâᅅe emelâk sâmb kalop. Otmu puaiᅅe nembe sâmb otmu sâp yan Anitâᅅe sâmbu naom ya himbimân yâhâmâmâ orowâk talowot. <sup>6</sup> Yawu otmu imbi

yaņeâmâ kinġitņahât otmâ sururuk sâġm ari lok ki manmaiângen Anitâņe yâkât kawē mem heņgenġuwanġim kalop yan ariop. Yan arimu Anitâņe tihitņe otmâ yâhâmu emetsenņe 42 ya pesuk sâop.

<sup>7</sup> Yâhâ imbi yaņe lok ki manmaiângen ariop sâp yanâmâ himbimân kapam pato teteop. Kapam pato tetemu yan aņelo patoyeņe, kutņe Mikae sâġm, yâkņe aņelolipņe meyekmu puaia yakât komolipņe ya yongom mem ge katyekbi. <sup>8</sup> Mem ge katyekmâ himbimâmbâ watyekņetâ hânân yuân gewi. <sup>9</sup> Yawu ġârâmâ puaia kunsain yâkât kutņe yamâ Haknenņan Sâġmap, otmu kutņe âlâmâ Satan, yaņe lohimbi kerehâk kâityongom mem lohotņe tuhunenekmap.

<sup>10-11</sup> Otmu alata amutgen kinbi yaņe yuwu sâņetâ nânġâwan. “Satanņe Anitâhât senņan kinmâ haonġmâ ârândâņ nen Anitâhât komolipņe den âiân katnenekmâ mem bâlenenekbe sâġm ġamap. Yawu ġârâmâ Anitâņe nanņe sârerenenekhâġgât hânġânġumu ġem nengât sâġm muop ya mumuņambâ mem yahalop. Yawu ġârâmâ sâp yiwerēņe yuâmâ yâkņe sâġmu yâkât aņelolipņe Satangât komolipņe watyekņetâ ġiai. Otmu Lama Nanņe yâkâlen torokatmunņe mâmâņe otningimu Satan otmu yâkât hoņ bawa me mitihât kasa takanġetâ lohotņe ki otmâ manbin. Yawu otmâ kârihem kinmâ Lama Nanņe yâkât tem lâuwânġim mepaewin. Mepaemunņe yakât matņe kasalipņe taka nongonġetâ muwin. Yawu ġârâmâ Anitâ Kutdânēņe wâtņe pato tatbaņġimapņe nen mem heņgenġunenekbuapġât mâtâp teteap. <sup>12</sup> Otmu Lama Nanņe ya mumuņambâ mem

yahalop yan Satan mem ge kalop. Yâhâ yakât dopņeâk nenņe Satangât hon bawa ya mem ge katyekbin. Topņe yawuhât otmâ himbimân gâtņe yeņe heroņe otbaņgim mepaem mannomai. Yawu gârâmâ hâmbâi Anitâņe Satan mem ge katbuap yakât Satanņe nâņgâm kuk pato otmâ yakât matņe sâmbân ge lohîmbi mem ge katyekbe sâmbân olop. Yawu gârâmâ yakât nâņgâm tepnenņe dondâ bâleap.” Yawu sâņetâ nâņgâwan.

<sup>13</sup> Yakât otmâ puaiņe yuwu nâņgâop. “Bâe, hânân gian yukât matņeâmâ imbi yakât naom ya muâkgât nanņan” yawu sâop. <sup>14</sup> Yawu sâop yakât otmâ Anitâņe sâmbân tiwa penņamņe yaņe imbi ya âlihîbbaņgiwi. Âlihîbbaņgiņetâ yahatmâ pâp pâp sâmbân lok ki manmaiângen Anitâņe kawe heņgeņguwaņgiop yan ariop. <sup>15</sup> Arimu puaiia kurîņ bâleņe yaņe imbi ya hilipguwe sâmbân laņe aņmu yapâ uwurup pato gam kioņop. <sup>16</sup> To yaņe gam kioņmâ imbi ya nem kereņgetbe sâmbân olop. Yawu olop yamâ imbi yaņe torokatmâ manmâ yâhâmbu emetsenņe 42 pesuk sâekgât Anitâņe sâmbân pumņe âlâņe bâok sâmbân to ya lâmbu kurîhiop. Lâmbu kurîhimu imbi ya hâmeņe kinop. <sup>17</sup> Hâmeņe kinmuâmâ puaiia ekmâ kuk bâleņe olop. Kuk bâleņe otmâ imbi yakât komolipņe Yesuhât den pat âlepņe ya nâņgâm mem biwiyeņan katmâ Anitâhât tem lâmbu manbi. Komot yeņgât puaiia yaņe kuk bâleņe otyiņgim itit kiom tuhuyekbe sâmbân ariop. <sup>18</sup> Ari saru sâtņan kinop.

## 13

*Sonņo sâtņe kârikņe yamâ kunņe nombolân yâhâp.*

<sup>1</sup> Saru sâtņan kinmâ halahumu sonĝo âlâ, sâtņe kârikņe, yaņe saruâmbâ gamu ekban. Sonĝo sâtņe kârikņe yamâ ñlipņe bāt nombot nombot hârok. Yamâ lok kutdâ yengât irimut horaraņĝimai ya ñlipņan konok konok horarakmâ talop. Kunņe yamâ nombolân yâhâp yanâmâ Anitâ watmâ yâkât kawenjan kinbe sâm yan ikņe kutņe konok konok kulemĝuakmu talop. <sup>2</sup> Yâhâ orotmemenęe yamâ yinsiwet kârikņe yawuya. Yâhâ kâiņe bātņe yamâ tiwa yawuya. Sâtņeamâ puaia sâtņe yawuya. Yâhâ puaia ya emelâk ekban yakât wâtņan kinmâ tem lâuwanĝiop. <sup>3</sup> Yâhâ sonĝo yamâ emelâk kasaņe kunņe nombolân yâhâp yakât hohetyenjan ĝâtņe konok kuop. Kumu hepņe pato ga kionmu wip sâm benņe yaņak sâwâewanĝiop. Sâwâewanĝimu lohimi hânņan kulemņan manbiņe ya ekņetâ sâtņe olopgât yâkâlen torokatmâ yâkât nânĝâņetâ yahalop. <sup>4</sup> Nânĝâņetâ yahatmu yuwu sâwi. “Bâe, sonĝo kârikņe bâleņe âlâlâ kerek wangiyeksap. Yawu ĝârâmâ lok girawu yaņe mem ge katbuap?” Yawu sâm sonĝo yakât nânĝâņetâ yahalop. Yawu ĝârâmâ sonĝo ya konok ki mepaewi. Sonĝo yakât amboņe puaia yaņe mâmâņe otbaņĝiop yakât otmâ yâk yâhâp yâhâp nânĝâyitĝiņetâ yahatmu mepaeyelekbi.

<sup>5</sup> Anitâņe ya ki ekmâ sâyitĝiopĝât sonĝo yaņe Anitâhât nânĝâmu ĝemu mem ge katbe sâm yuwu sâop. “Anitâ ya emelâk wâtņe biatmu mem ge kat-san.” Yawu sâm ikņahât nânĝâmu yahalop. Yawu otmâ kârikņe otmâ manmu emetsenņe 42 ya pesuk sâop. <sup>6</sup> Yâhâ sonĝo sâtņe yaņe Anitâ mem ge katbe sâm yakât sâm bâlewanĝiop. Dop yawuâk him-

bimân manbi ya yengât sâmbâleyingim manop. <sup>7</sup> Yawu otmâ Anitâhât lohimbi ya kuk otyingim kerehâk mem lohotņe tuhuyekmâ mem ge katyehop. Mem ge katyekmâ lohimbi hânņan kulemņan manbi ya yengât kunņe manop. <sup>8</sup> Yakât otmâ lohimbi nombotņe Anitâhât pat ki otbi yamâ songo yakât nângâņetâ yahalop. Yâhâ lohimbi nombotņe Anitâhâlen torokatmâ manbi yaņeâmâ songo ya ki mepaewi ya yengât topyeņe yuwu. Emelâk embâņân Anitâņe hân himbim ki kândikyotgop sâp yanâk lohimbi yaņe biwiyeņe Lama Nanņe kuņetâ muop yâkâlenâk katmâ mannomai yâk yengât Anitâņe nângâop. Yâk yengât nângâm kutyeņe pepaen kulemgum Lama Nanņe waņmu mem manman kârikņe yakât pat kuyingiop. Yawu. <sup>9</sup> Otmu yeņe den kulemguan yu sâlikum topņe nângâņetâ keterahâk.

<sup>10</sup> Lohimbi nombotņeâmâ hâhiwin kakņan mannomai. Ya teteyingibe sâmbâ otbuap yan ki misiņguraknomai. Yawu otnomaiân kasalipyenâņe mem pâi emetņan katyeknomai yan sâtgum mannomai. Yâhâ nombotņeâmâ kapamņe mem yongonomai. Ya teteyingibe sâmbâ otbuap yan âlâengen ki arinomai. Ya ihilâk yongonomai. Umatņe ya teteyingiwuawân yakât nângâm Yesuhâlen biwiyenâņe kepeim manmâ yâhânomai. Yawu otmâ manņetâ Anitâņe meyekbuap. Otmu umatņe topņe topņe teteyingiwuap yan yakât nângâm ki gorâyingiwuap.

*Songo sâtņe kârikņe âlâņe lohimbi menduhuyekmâ ikņe kulem bâteņan otmu meteyen kalop.*

<sup>11</sup> Otmu kulem âlâ yuwu tetemu ekban. Sonjo sâtje kârikje âlâ ekban yaŋe hân tumuŋambâ pindilakmâ yahalop. Nilipjeâmâ lama lokŋahât nilipje ekmain yawuya. Yâhâ denje engatje yamâ bau hulin yerâmunje hâok hâok sâmâp yawu. <sup>12</sup> Otmu yamâ emelâk anjoânâk sonjo sâtje kârikje ekban yaŋe emelâk mâmâje otbaŋgiop. Mâmâje otbaŋgiop yâkât lohimbi yaŋe nâŋgâŋetâ yahatmu yâkâlen torokatmâ manŋetgât sâm ekyongop. <sup>13</sup> Otmu Anitâje mâtâp maŋgum ki mem ge kalop yakât otmâ haonmâ ârândâŋ kulem topje topje meminiop. Yawu otmâ lohimbi senyeŋan kinmâ sâmu kâlâp pato âlâ himbimâmbâ ge hânân punduŋ sâmu ekbi. <sup>14</sup> Yawu otmâ yakât lohimbi dondâ yuwu sâm kâityongop. “Yen sonjo kunje sâwâeop yakât umutje hâwiŋetâ kundenje teteâk.” Yawu sâm yinŋiop. <sup>15-17</sup> Yawu sâm yinŋimu Anitâje mâtâp ki maŋguyinŋiop yakât otmâ yâkât tem lâum umutje ya hâwiŋetâmâ mâmâje otbaŋgimu yahalop. Yahatmâ ikje mepaem manŋetgât den sâm yinŋiop. Den sâm yinŋim lohimbi topje topje, geheje me yahat yahatje, kutyenje orop me kutyenje bia, iri sikum tatyinŋiop me umburuk manbi, ya kerehâk menduhuyekmâ ikŋahât kulem towatje bâtyeŋan otmu meteyeŋan kalop. Yawu katyinŋimu yapâ gâtjaŋe yâkŋak sot me senje âlâlâ ya ari puluhunomaihât dop ya teteyinŋiop. Yawu otyinŋimu yâkât nâŋgâŋetâ yahatmu mepaem manbi. Yawu gârâmâ lohimbi nombotjaŋe yâkât ki nâŋgâŋetâ yahalop yakât otmâmâ matje yinŋimu mem muwi. Yawu. <sup>18</sup> Otmu yeje den kulemguan yu sâlikum nâŋgâŋetâ

keterahâk. Yâhâ songo sâtŋe kârikŋe ya tetewuap yamâ dopŋeâmâ 666, dop yaŋeâmâ lok âlâhât kut ya miop. Yawu.

## 14

*Lohimbi kiŋgitŋe orowâkŋe Lama Nanŋe otmu Âwâŋe yetgât nâŋgâŋetâ yahalop.*

<sup>1</sup> Otmu ya pesuk sâmu kulem âlâmâ yuwu tetemu ekban. Punŋe pato âlâ, kutŋe Sion sâmu, yamâ Yerusalem kapi yan tap yakât dop yamâ himbimân tap. Lama Nanŋe yaŋe yan kinmu ekban. Otmu yanâmâ lohimbi dopyeŋe 144,000 Anitâŋe meyekmâ himbimgât pat kuyiŋgiop yâkŋeâmâ yâkât senŋan kinbi. Kinmâ amboyâhâtyeŋe, Lama Nanŋe otmu Âwâŋe, yâk yetgât kutyetŋe yamâ yeŋe meteyenŋan kulemguakmâ kinbi. <sup>2</sup> Otmu sâp yanâk munŋe yuwu tetemu nâŋgâwan. Tâlâm pato âlâ yerâmu munŋe pilâmap yakât dop, me himbim guŋguruŋ sâmu nâŋgâmain dop yawuya, me âlâmâ, lok dondâŋe menduhuakmâ waŋgam kunŋetâ nâŋgâmain yawuya, yaŋe hanjâmbâ gemu nâŋgâwan. <sup>3-5</sup> Otmu lohimbi 144,000 yaŋe songo papato imbât otmu lok kunŋe 24 yaŋe Anitâhât dâtâpŋan kinbi yâk hawamyongom kinmâ Anitâ mepaem kiki mewanŋiwi. Kiki mewanŋiŋetâ nâŋgâwan. Otmu lohimbi yu yan yuŋeâmâ hânân yuân ihilâk mahilâk ki manbi. Yâkŋe uwawapŋe bia manbi. Otmu den perâkŋe me den guruk ki sâmu manminiwi. Lohimbi yawuyaŋe Lama Nanŋahâlen biwiyenŋe kepeim manmâ yâkât tem lâmu manminiwiŋe Anitâ yet Lama Nanŋe yetgât

pat manbi. Yawu otmâ yâk hawamyongom kinmâ Anitâ mepaem kiki mewaŋgiŋetâ yekban. Kiki yakât topŋeâmâ lok ihilâk mahilâk manbi yaŋe ki nâŋgâwi. Lohimbi Yesuhâlen torokatmâ manbi yâkŋak kiki yakât topŋe nâŋgâm mewaŋgiwi.

*Anitâŋe aŋelolipŋe kalimbu hâŋgânyongomu denŋe sâŋ tetewi.*

<sup>6</sup> Kulem âlâ yuwu tetemu ekban. Anitâŋe aŋelo âlâ hâŋgângumu haŋâmbâ pâp pâp sâŋ ari lohimbi hânŋan kulemŋan mansai yâk yeŋgâlen ari yuwu sâŋ ekyongop. <sup>7</sup> “Yeŋe biwiyenŋe Yesuhâlen katmâ yâkât tem lâum manmâ embâŋân aŋgoânâk Anitâŋe pat kuyiŋgiop ya meŋet. Anitâŋe lohimbi topyeŋe ekmâ den sâŋ hâreyiŋgiwe sâŋ oapgât sâp pesuk sâwomap. Yakât otmâmâ yenâmâ yâkât tem lâuwaŋgim yâk konok mepaenŋet. Ambonenŋe Anitâŋe hân himbim kândikyotgop. Otmu âliwahaŋ topŋe hânân kalop. Yakât yâk konok mepaem mannomai.” Yawu sâŋ ekyongop.

<sup>8</sup> Otmu yakât kakŋan aŋelo âlâ tetemu ekban. Yâkŋe yuwu sâop. “Kapi âlâ, kutŋe Bawilon sâŋ, yakât ambolipŋaŋe lohimbi nombotŋe hânŋan kulemŋan manmâ ariwi ya yeŋgâlen ariwi. Ari yeŋahâk orotmemeyenŋe kiŋgoŋ otbi ya yawuâk otŋetgât sâŋ kendâyiŋgiŋetâ nâŋgâyiŋgiwi. Yakât matŋeâmâ Anitâŋe itit kiom tuhuyekmu kâwurumŋe kinâk.” Yawu sâop.

<sup>9-11</sup> Otmu yakât kakŋan aŋelo âlâ kalimbunŋe tetem yan den kârikŋe halahum yuwu sâop. “Lohimbi nombotŋaŋe soŋgo sâtŋe metŋe ikŋe otmu yâkât umutŋe nahân hâwiŋetâ golâ otmâ ya-halop yâk yetgât nâŋgâŋetâ yahalop. Otmu yâk



yetgât kulem yamâ bâtyeñan otmu meteyeñan kulemguakmâ mansai ya yeñgât Anitâñe kuk pato otyiñgim gap. Kuk otyiñgimu yakât otmâ lohimbine Lama Nanñe muop yâkât añelo koko salek ya yeñgât senyeñan kinñetâ kâlâp patoñe seyekbuap. Seyekmu sât gum manmâ yâhânomai. In yawu ki pesuk sâyinñgiwuap. Sâp kâlêp seyekmâ yâhâwuap.” Yawu sâop.

<sup>12</sup> Yâhâ yenâmâ biwi nâñgân nâñgânyeñe Yesuhâlen katmâ Anitâhât den lâuwu yamâ ya yawuâk torokatmâ mannomai. Otmu biwiyene yakât galemñe orañgim mannomai.

<sup>13</sup> Yesuñe Anitâhât gotñan kinopñe yuwu sâm eknohop. “Yoane. Gâ den yuwu sâmune kulemgu. Lohimbi biwiyene nâhâlen kepeim mansai yâk yeñgât kasalipyeneñe nâñgâñetâ bâlemu yongom mem âlâlâ tuhuyekñetâ munomai. Yamâ sâp âlâen yâkñe manman kârikñe memâmâ manman sânduhân manmâ yâhânomai.” Yawu sâop. Yawu sâmu Anitâhât Wâtgât mâmâñahât Heakñe yuwu sâm ekuop. “Bulâñanâk yat. Yâhâmâ Anitâ hoñ bawañgim hâhiwin kakñan manmâ yâhânomai. Yawu gârâmâ hâmbâi Anitâñe nâñgâmu munomai yanâmâ bulâñe yinñgiwuap.” Yawu sâop.

*Himbimâmbâ gem lohimbi mem hâwuruyehowot.*

<sup>14</sup> Kulem ya pesuk sâmu âlâ yuwu tetemu ekban. Anitâñe Yesu hâñgângumu âwurem gewuap yakât yuwu tetemu ekban. Yesuñe kaperam âlâ goliñe tuhu tuhuñe ya karakmâ, iri goleakmâ, âom kela bâtnanâk tatmu elem kulewoñboñ kakñambâ giop.

<sup>15</sup> Otmu añelo âlâñeâmâ Anitâ yâkâlêmbâ gemu ekban. Otmu yañeâmâ añelo âlâ elem kulewoñboñ

yakât kakņan talop ya yuwu sâm ekuop. “Bâiņ, bonņe memehât sâp yu tâlâhuap. Yakât otmâ âom kela yaņe nak kehetņe mem hâwurum mânunđâ pik sâek.” Yawu sâm ekuop. <sup>16</sup> Ekumu âom kela yaņe mem mânunņmu pik sâop.

<sup>17</sup> Yawu sâmu yanâk aņelo âlâ Anitâhât opon kâmbukņambâ pilâm giop. Yâkņe tewetņe sâtņe welâk welâk ya mem giop. <sup>18</sup> Mem gemu yakât kakņanâmâ aņelo âlâ alataen kâlâp um katmin-iop ya pilâm giop. Yaņeâmâ den kârikņe sâm aņelo tewet mem manop ya yuwu sâm ekuop. “Hânân wain kehetņe emelâk purup pato kinsap. Yawu gârâmâ gâņe tewet miakmâ ge hârem bonņe me. Ya mem mendârerâ toņe giâk.” Yawu sâop. <sup>19-20</sup> Yawu sâmu tewet miakmâ ge bonņe ya hârem mem mendâremu toņe yaņe gem hep olop. Hep otmâ waņga âlâ kapi yakât betņan kinop yan ge kinop. Yan ge kinmâ lak sâm moseleakmâ hânân ge pik sâm dengân pato olop. Yâhâ dengân yakât kâlepņeâmâ 300 kilomita yawuya olop. Otmu yakât tumuņeâmâ lok kinmu nekamņan ot-buapgât dop olop. Yakât dopņeâk lohimbņe kun-yeņe kârikņe otmu orotmeme bâleņe otmâ manmâ gai yakât matņe meņetgât Anitâņe pilâyekmu geno-mai.

## 15

*Aņelolipņe nombolân yâhâp yaņeâmâ bumbum âlâlâ ikņiâk ikņiâk mewi.*

<sup>1</sup> Otmu yakât kakņan kulem âlâ yuwu tetemu ekban. Anitâhât opon kâmbukņe himbimân tap yakât kâlehen aņelo nombolân yâhâp yaņe kinņetâ

yekmune sâtņe olop. Yawu otmâ anjelo yaņeâmâ bumbum nombolân yâhâp ikņiâk ikņiâk mewi. Yâhâ bumbum yamâ Anitâņe matņe bânņe yingimu meņetâ bialâkgât. <sup>2</sup> Ya mem kinņetâ yan saruwân yawuya pato ekban yamâ omoņânâk hewam sikopņe kumu siliņ siliņ sâmu topņe kuririņ sâmap yawuya olop. Yâhâ saru ginņan Anitâhât lohimbî yaņe iliwetmâ songo sâtņe metņe ya, otmu yakât umutņe nahân hâwiņetâ yahatmâ golâ olop ya, otmu songo sâtņe kârikņe lokgât dop 666 ya miop, ya yeņgât den kum mem ge katyekbi yaņe saru ginņan kinmâ buņam tâliwi. <sup>3-4</sup> Yâhâ Moseņe Anitâhât tem lâum manop yâkât heroņe nâņgâm buņam mem tâliwi. Yâhâ âlâmâ Lama Nanņahât nâņgâņetâ yahatmu buņam yuwu sâm tâliwi.

“O Anitâ, kutdânenņe. Gâ wâtge pato dondâ tatgihiap. Âi memat yamâ mendâ âlepņe nandoroņe otmap. Orotmemehe ekmunņe ae seņ seņ, yae yoņgâe otmap. Gâņe lohimbî topņe topņe yeņgât kunyeņe otmâ tatmâ gaonņak tatmâ gat. Otmu tatmâ yâhâmbisân. Yakât otmâ himbimân taiņe, me nen hânân taiņe gâ konok mepaehekmain. Otmu kut patņe sâm haņ tuhmunņe ârândâņ merândâņ otmâ imap. Gâ konok uwawapņe bia, âiloņgo loņgo tatmat. Yakât otmâ mepaehekmâ yâhânom. Lohimbî hânņan kulemņan manmâ arain nengât tihitnenņe otmat yakât ga mepaehekmâ mannom.” Yawu sâwi.

<sup>5</sup> Otmu yakât kakņan âlâ yuwu tetemu ekban. Opon kâmbukņe himbimân tap yakât gahatņe ya hindakmâ aņ sâm kinop. <sup>6</sup> Aņ sâm kinmuâmâ

Anitâhât welâmŋe ya hawamgum sâŋgum kêlep hikujetâ ge hârândânâk kinop ya tetemu ekban. Yâhâ yan songo papato imbât mumuhât dop bia hâlânakmâ tatŋetâ yekban. Yâhâ gotyeŋan aŋelo nombolân yâhâp kinbiŋe sâŋgumyeŋe kaok bolan bolan mânujakbi. Otmu dihinyeŋan kâiput goliŋe tuhum âmbâkujetâ giop. <sup>7</sup> Otmu lohimbi orotmemeyeŋe kinŋon otmâ manminiwiŋe matŋe mem hâhiwin kakŋan manŋetgât songo pato âlâŋe aŋelo nombolân yâhâp ya kondo konok konok mem yinŋimu mewi. Otmu kondo ya kêlehen bumbum topŋe topŋe âlâku ikŋiâk ikŋiâk yaŋe pik sâm iop. Yakât Anitâ manman ambonaŋe matŋe sâm yinŋiwuapgât kondo ya mem kinbi. <sup>8</sup> Yawu otmâ kinŋetâ yan Anitâ lanŋinŋe ambonaŋe ikŋe wâtŋe pato tatbanŋimapŋe kuk bâleŋe olop. Yawu otmu opon kâmbukŋahât kêlehen utun bâleŋe sahaŋop. Utun sahakmâ manŋumu opon kâmbukŋahât kêlehen yâhânomaihât dop ki olop. Yawu otmu aŋelo nombolân yâhâp yaŋe kumâmâ bumbum bâleŋe moseleŋetâ ge lohimbi bâleŋe yeŋgâlen teteop. Otmu yakât kakŋanâmâ kêlehen yâhânomaihât dop ya teteop.

## 16

*Bumbum moseleŋetâ ge lok bâleŋe yeŋgâlen umatŋe topŋe topŋe teteop.*

<sup>1</sup> Anitâŋe aŋelolipŋe nombolân yâhâp ya yuwu sâm ekyongop. “Yen gemâmâ matŋe yinŋiwom yakât bumbum teteyinŋiâkgât moseleŋetâ giâk.” Yawu sâm hânŋânyongomu gewi. <sup>2</sup> Aŋoân hânân moselemu giop yakât topŋeâmâ yuwu. Lohimbi nombotŋaŋe songo kêrikŋe yakât kulem towatŋe

meteyenjan tuhuangim nahân umutņe hâwiņetâ yahatmâ golâ olop ya mepaewi. Komot yaņeâmâ bitâp me use kârikņe ya teteyiņgiâkgât bumbang ya hânân moselemu giop.

<sup>3</sup> Yâhâ aņelo yâhâpņeâmâ kondone mem saruân moselemu giop. Moselemu gemu saru yamâ lok hiliwahonjetâ hepyeņe gam gara gara otmâ korokņe pilâmap dop yawu olop. Yâhâ saruņe hep gara gara olop yakât kâlehen senņe âlâlâ tatbi yamâ kerek mum metewi.

<sup>4</sup> Yâhâ aņelo kalimbuņe kondone mem to senņan moselemu giop. To senņan moselemu giop yamâ aksihâk hep otmâ meteop. <sup>5-6</sup> Moselem yan Anitâ yuwu sâm ekuop. “O Kutdâne, gâ embâņâmbâek tatmâ gamat. Otmu tatmâ yâhâmbisân. Yâhâ lohimbi bâleņe kunyeņe kârikņe otmâ gâhât hâkâņ otmâ orotmeme bâleņe otmâ manminiwi ya kerekņe matņe mem mum metenjetgât hâņgânnohorâ ge moselemune giap. Moselemune gemu yan gâņe den sâon yakât bulâņe teteap ya nâņgâmune ârândâņ oap. Yâhâ poropetelipge nombotņe yongom mem âlâlâ tuhuyekņetâ muwi. Muņetâ yan hepyeņe hânân giop yakât matņe gâņe hep bâleņe yu yiņgirâ neņetâ dopņan oap. Ya nâņgâmune ârândâņ oap.” Yawu sâop. <sup>7</sup> Yâhâ alata amutgen kinbiņe Anitâ yuwu sâm ekuņetâ nâņgâwan. “Bulâņanâk Anitâ Kutdânenņe gâ wâtge kârikņe tatgihimap. Yakât otmâ den âiân katyekmâ matņe yiņgirâ miai ya ekmunņe dopņanâk oap.” Yawu sâwi.

<sup>8</sup> Yâhâ aņelo imbâtņe kondone mem sikowân yan moseleop. Moselemu Anitâņe sâmu sikop

yamâ pilâm irik irik sâ m kâlâpne sem laŋ laŋ sâmap yawu otmâ sem meteyehop. <sup>9</sup> Otmu kâlâp pato yaŋe punduŋ sâ m lohimbi ya dondâhâlâk seyehop. Sem bâleyekmu nâŋgâm nâŋgâm iliwetmâ Anitâ bumbum amboŋe yakât awat pilâwaŋgiwi. Yawu otmâ yâkâlen biwiyenjaŋe ki kepeiwi.

<sup>10</sup> Yâhâ aŋelo momene yaŋeâmâ bumbum âlâ moselemu soŋgo sâtne metne yâkât kawenjan giop. Gemu omoŋ pato kum kepeim imu benne lohimbi yâkâlen torokatbiŋe hâhiwin pato nâŋgâm nimbilamyene paŋan ihm hâreakbi. <sup>11</sup> Yawu otmâ kunyene kârikne otmâ Anitâ himbim amboŋahât awat pilâwaŋgim orotmemeyene bâlene ya witgum otmâ manbi.

<sup>12</sup> Yâhâ aŋelo nombolân konokjaŋe kondone mem to âlâ, kutne Euparata sâ m, yan moselemu giop. Moselemu gemu to yaŋe aksihâk saŋ kititiŋ sâop. Saŋ kititiŋ sâmu yan lok kunne nombotne emetsenne gahaŋembâ takanomai ya yengât mâtâp meyiŋgiop. <sup>13</sup> To ya saŋ sâmu yan puaia yakât launambâ weke bâlene yamâ kesuŋ pâlâmne yawuya gemu ekban. Âlâmâ nakne mem umutne hâwiŋetâ yahatmâ golâ olop yakât launambâ kionmu ekban. Âlâmâ poropete âlâ den perâkne sâ m kâityongop yakât launambâ gemu ekban. <sup>14</sup> Otmu weke bâlene dondâ yaŋeâmâ kulem topne topne ya mewi, yaŋeâmâ lok kutdâ bâlene yâk yengâlen arim kapamgât kuk teteâkgât mâmâne otyiŋiŋetâ Anitâ kum mem ge katne sâ m yakât menduhuakbi. Yawu tetemu ekban.

<sup>15</sup> Yâhâ den âlâ Yesuŋe yuwu sâop ya sâwe. “Nâŋe hâmbâi pâ râk sâ n sâ nâk takawom. Otmu nâhât

pat mansai yenâmâ hewewen otmâ âlâlâyeŋe ya mem dunjan tuhuakmâ mambotnihim mannomai. Aman pâlâmŋe ki inomai. Yenâmâ biwi nâŋgân nâŋgânyeŋe galemahom nâhât mambotmâ mitiwahom mannomai. Yawu otmâ manŋetâ nâ takawom yan ki aŋulaknomai. Yawu otmâ herone otmâ manmâ yâhânomai.” Yawu sâop.

<sup>16</sup> Otmu kapam tetewuap yakât den âlâ torokatmâ sâwe. Weke bâleŋe yaŋeâmâ lok kutdâ dondâ mâmâŋe otyiŋgiŋetâ kapi âlâ, kutŋe Amaheron sâm, yan menduhuakbi.

<sup>17</sup> Yâhâ aŋelo nombolân yâhâpŋaŋeâmâ kondone ya haŋân moselemu gemu yanâk Anitâŋe yuwu sâmu nâŋgâwan. “Bâiŋ, pesuk yap.” <sup>18</sup> Yawu sâmu yanâk belek sâmu himbim guŋguruŋ sâop. Himbim guŋguruŋ sâmu yanâk mososon pato miop. Mososon nombotŋe memap yakât dop bia, wangim dondâ miop. <sup>19</sup> Otmu kapi pato, kutŋe Bawilon sâm, yan orotmeme bâleŋe dondâ otmâ manminiwi. Yakât Anitâŋe nâŋgâmu bâlemu matŋe meŋetgât sâmu mososon pato memu Bawilon kapi ya hionakmâ komot kalimbu otbi. Otmu ya hâlâŋmâ kapi tatbiâ yamâ biatmu kâwurumyeŋaŋak kinop. <sup>20</sup> Otmu saru tânâmŋan mâtuŋa pato tipine tatbi yamâ aksihâk guhulakmâ meteop. Otmu pumŋe gimbâŋe ya hâlâŋmâ talop ya gurâ bâok sâm gulip otmâ meteop. <sup>21</sup> Yawu otmu kât kârikŋe kândâk kândâk giop. Yaŋe gemâmâ lohimbî nombotŋe kât yaŋe kum tâtuk meyehop. Yâhâ nombotŋe âlâmâ kunyeŋe kârikŋe otmâ Anitâhât awat pilâm sâm bâlewanŋiwi.

# 17

## *Imbi kondarâ yâkât topņe*

<sup>1</sup> Anjelo nombolân yâhâp yaņe kondoyeņe mem manbi ya yeņgâlen gâtņe âlâņe yuwu sâm eknohop. “Garâ arire. Yu tetemu eksat yukât pâņe konok topņambâek nâņgâhât tiripgohomune ek. Imbi yuâmâ imbi kondarâ. Yâkņe ihilâk mahilâk manmâ to hâlâņmâ kinsap. Yâhâ yiwerene tosaņahât matņe Anitâņe waņmu hâhiwin pato nâņgâm yâhâwuapgât dop oap. <sup>2</sup>Yawu gârâmâ imbi kondarâ yukât topņeâmâ yuwu sâmune nâņgâ. Lok papato seseņgâlâkņe imbi kondarâ yukâlen torokatmâ yâk orop senņe âlâlâ anņi guņgi otbi. Otmu orotmemeņe bâleņe otminiop ya yawuâk otmâ manbi. Yawu otbi yakât otmâ yaņe biwiyene mem hâlim tuhuyekmâ gaop. Topņe yakât otmâ garâ tiripgohomune ek.” Yawu sâop.

<sup>3</sup> Yawu sâm dâinekmâ pumņe âlâ lok ki man-maiângen yâhâwit. Yan yâhâmutņe Anitâhât Wâtgât mâmâņahât Heakņe biwine mem purik pilâmu kulem âlâ yuwu tetemu ekban. Imbi kondarâ yaņe soņgo sâtņe metņe yakât kakņan yâhâmu yaņe sokom talop. Soņgo yamâ kuriņ. Otmu yakât ņilipņe yamâ bāt nombot nombot hârok. Yâhâ kunņeâmâ nombolân yâhâp. Yaņe Anitâhât kaweņan kinbe sâm ikņe kutņe konok konok kulemguakmâ talop. <sup>4</sup> Otmu imbi yaņeâmâ sâņgum kuriņ hârândâņâk mânuņahop. Mânuņakmâ karaņ karaņ hahitņe tuhunețâ âilonņo nan-doroņe olop ya pilahop. Otmu kâiput goliņak tuhu tuhune ya âmbâkuahop. Otmu bâhârâ yamâ goliņak tuhumiop. Bâhârâ memu yanâmâ orotmemeņe



kingon topne topne ya ikne manmannahât bonne yaŋe yan pik nâtâk nâtâk sâŋ iop. <sup>5</sup> Yâhâ metenânâmâ ikne kutne ya kulemgumu talop. Kut yamâ yuwu. “Bawilon kapi ambolipnane orotmeme kingon otmâ gawi. Yâhâ imbilipyene yamâ imbi kondarâ. Yâk yengât mâmâyene yamâ nâ.” Ikne kutne metenân yawu kulemgumu talop. Yâhâ kut ya lok âlâne ekmâ nângâwuapgât dop bia. <sup>6</sup> Imbi yaŋeâmâ emelâk lohimbi nombotne biwiyene Anitâhâlen katmâ Yesuhât nângâŋetâ yahalop yamâ kerek sâmu yongonjetâ muwi. Yon- gonjetâ muŋetâ yan imbi yaŋeâmâ yekmu âlepne otmu biwi hâlim pato olop. Yawu otmu ekmune sâtne otmu pârâk pilâwan.

<sup>7</sup> Otmu aŋeloŋe yuwu sâŋ eknohop. “Girawuhât nângârâ ki orotne oap? Imbi yuâmâ songo sâtne metne yaŋe sokomap. Yâk yetgât topyetne yuwu sâŋmune nângâ. <sup>8</sup> Songo sâtne eksat yukât topneâmâ yuwu. Yâhâmâ emelâk hem nâpumân kionmâ gulip olop. Yapâ gâtneŋe hâmbâi yâhâpne yahatmâ gawuap. Gamâmâ lohimbi nombotneŋe Anitâhâlen ki torokatmâek yaehen manmâ gai. Ya yengât kutyene yamâ emelâk Anitâne hân himbim ki kândikyotgowân manman kâriknahât pepaen Yesuŋe ki kulemgum kalop. Lohimbi yaŋe songo sâtne ya ekmâ yuwu sânomai. “Bâe, yuâmâ emelâk manmâ gam gulip olop. Yaŋe yâhâpne yiwerene teteap.” Yawu sâŋ nângâŋetâ âilonŋo lonŋo otbuap.

<sup>9</sup> Otmu aŋeloŋe torokatmâ yuwu sâŋ eknohop. “Den yan yukât bulâne tetewuap yakât topne ekmâ nângânomai. Kunne nombolân yâhâp yamâ pumne nombolân yâhâp yakât dop. Yâhâ

imbi yakât dowâmâ kapi pumņe nombolân yâhâp yakât tânâmņan talop ya. Yâhâ pumņe nombolân yâhâp yakât dop yamâ lok kutdâ nombolân yâhâp. <sup>10</sup>Yâhâ lok kutdâ yamâ momerâ yaņe muwi. Yawu gârâmâ âlâmâ nombolân konokņe sâp yiwerene yu galemyene otmâ mansap. Yâhâ baine yamâ hâmbâi tetewuap. Yâhâ tetewuap yanâmâ sâp tâlâwâk galemyene otbe mâne Anitâne sâmu mumbuap. <sup>11</sup>Yawu gârâmâ songo sâtņe yamâ angoânâk manmâ gaop. Yâhâ yiwereneâmâ ki mansap. Gâmâlâhâmâ yahatmâ lok kutdâ nombolân yâhâp yâk yengâlen torokatmâ nombolân kalimbuyene otmâ manbuap. Manmâ yâhâm kâlâwân arimu pesuk sâwuap. Topņe yawu.”

<sup>12</sup> “Otmu ñilipņe bāt nombot nombot hârok yeksat yamâ lok kutdâ bāt nombot nombot yâk yengât dop oap. Yâkņe yiwerene ki mansai, hâmbâi tetenomai. Tetem manņetâ songo sâtņe yaņe mâmâņe otyingimu orowâk torokatmâ tatmâ yâhânomai. Yâkņe galemyene otmu sâp tâlâwâk mannomai yakât kakņan mum biatnomai. <sup>13</sup>Yâhâ mannomaiân nângân nângânyeņe hikuakmâ songo sâtņe yamâ yâkât wâtņan kinmâ yâhânomai. <sup>14</sup>Yâkât wâtņan kinmâ yan Lama Nanņe mum yahalop ya kune sâm yâk orop kasa orangim mannomai. Yamâ Lama Nanņeņe mumuņambâ yahatmu âwâņeņe sâmu wâtņe pato nandorņe tetewangiop. Yawu otmâ lok topņe topņe manmâ gai ya yengât kunyeņe otmu lok kutdâ ya yengât kunyeņe pato mansap. Yakât otmâmâ kasalipņe yongom mem ge katyekbuap. Yâhâ lohimbi yaņe biwiyeņe yâkâlen katmâ manņetâ yakât Anitâne

ikne pat kuyiŋgiop yâhâmâ yâkne lok kutdâyene pato oapgât yâkâlen torokatmâ kasalipyene yongom pesuk pilâyeknomai. Yawu.”

<sup>15</sup> Otmu aneloŋe torokatmâ yuwu sâm eknohop. “Yoane gâ emelâk eksat. Imbi kondarâ yamâ to hâlânâmâ kinsap. Yâhâ to yakât dopneâmâ yuwu. Lohimbi komotne komotne hânŋan kulemŋan manmâ den topne topne sâmai ya yengât dop oap. <sup>16</sup> Otmu njilipne bât nombot nombot hârok eksat yamâ lok kutdâ yâk yengât dop oap. Yâkne sonjo sâtne metne yâkâlen torokatmâ imbi kondarâ ya kasa otbaŋginomai. Kasa otbaŋgim imbi yakât lembân tâkne ya mem holaŋbaŋginomai. Mem holaŋbaŋginetâ hâk barak kinbuap. Yawu kinmâ itit kiom tuhuŋetâmâ kâwurumŋaŋak kinbuap. <sup>17</sup> Otmu yamâ inâk ki tetewuap. Anitâne biwi nânŋân nânŋânyenjan ya katmâ mem hewewenjuhuyekmu sonjo sâtne ya orowâk menduhuakmâ imbi kondarâ ya mem ge katnomai. Anitâne sâop yakât bonneâmâ yawu tetewuap.

<sup>18</sup> Otmu imbi kondarâ yamâ kapi pato tap yakât dop. Kapi pato yakât patoyenaneâmâ lok kunne hânŋan kulemŋan tatmâ arai yâk yengât kunyene otmâ tatmap.

## 18

*Anitâne sâmu Bawilon kapi kâwurumŋaŋak kinop.*

<sup>1</sup> Kulem ya pesuk sâmu yakât kakŋan kulem âlâ yuwu tetemu ekban. Anelo âlâ himbimâmbâ gemu ekban yakât wâtne pato tatbaŋgiop. Otmu gem yan yâkât laŋinŋe pato yaŋe hânân pilâmu

lanj lanj sâop. <sup>2</sup> Yâkne kârikne halahum yuwu sâop. “Kapi kutne Bawilon yamâ emelâk kâwurumnanjak kinsap. Yiwereneâmâ weke bâlene dondâ mansai. Otmu nâi bâlene ki neneje, sopnan hepdâek, sâmâi dop yawuya, ya pik sâm iap. <sup>3</sup> Emelâk lohimbî kinğitne orowâkne yâk yengâlen torokatmâ orotmeme kinğonj otmâ gam biwi hâlim otbi. Yawu otmâ manbi. Yâhâ lok kutdâne gurâ yawuâk orowâk orotmeme bâlene ya otbi. Lohimbî nombotnane yâku anği gunği otne sâmâmâ yawuâk yan torokatmâ hângât senne âlâlâ otmu bâlene topne topne otmâ manmâ gamai yawuya Anitâne kerehâk yongom tâtuk meyhoph.”

<sup>4</sup> Yawu sâmu Yesune yuwu sâop. “Yen nine komot Bawilon kapiân mansai ya yuwu sâmune nânğânet. Bawilon kapi ambolipnane orotmeme bâlene me kinğonj ya otmâ manmâ gamai yakât matne yinğimune hiliwahonomosai. Yawu gârâmâ yen orowâk yongomaingât orotmeme bâlene ya pilâm pilâyekmâmâ nâhâlen ga torokatmâ mannet.” Yawu sâm ekyongop.

<sup>5-6</sup> Yawu sâm anjelolipne yuwu sâm ekyongop. “Kapi yukât ambolipnane orotmeme bâlene otbi yakât topne Anitâne kerek nanğap. Yakât otmâmâ matne yu yinğiap. Kapi yu ambolipne yengât orotmeme yamâ imbi kondarâ yengât orotmeme yawuya. Ya nânğâmune dondâ bâleap. Otmu kasalipyene mem bâleyekbi. Yakât matne yâku yakât dopnanâk mem purik pilâm yinğinomai. Emelâk kapi ambolipnane menduhuakmâ orotmeme bâlene ya otbi. Yakârâmâ yâku kârikne otmâ matne kâpekyinğinomai. <sup>7</sup> Yâhâ emelâk kapi am-

bolipņane hop sambe kakņan manmâ yeņahâlâk nâņgâņetâ yahatmu hâmeyeņe bitminiwi. Yakât yengu matņe tâņ tâņâk purik pilâm yiņginomai. Yawu otnomai yakât kakņanâmâ yâkņe dondâ isem buiakmâ mannomai. Yâhâ yiwereneâmâ ambolipņane biwiyeneņe yuwu naņgai. “Bâe, nenâmâ yiwerene hop sambe kakņan mansain. Yawu manmâ lohimbi dondâ tânyongom mansain. Yâhâ imbi nombotņane kambut manmâ tep bâle nâņgâm isem mansai. Yâhâ nenâmâ umatņe âlâ hâtnongowuapgât dop âlâ ki tap. Yakât otmâ hâk sânduhânâk manmâ yâhânôm. Tep bâle nâņgâm ki isem buiaknom.” Yawu naņgai. <sup>8</sup> Yakât otmâ sâmunne pârâk sân sânâk umatņe bâleņe topņe topņe yâk yeņgâlen tetewuap. Po pato tetewuap. Me bumbum, me aman kundat, me aman mesek topņe topņe ya teteyiņgimu hâhiwin pato nâņgâm isem buiaknomai. Isem buiakmâ manņetâ yan kasalipyeneņe taka itit kiom tuhuyekmâ kapiyene uņetâ sewuap. Yakât umatņe ya yiņgiwomgât dop tap.” Yawu sâop. Sâop yawuâk tetemu ekban.

<sup>9</sup> Kasalipyeneņe taka kapiyene uņetâ siowân yanâmâ lok kutdâne aņgoânâk manmâ gawiân orotmeme bâleņe Bawilon kapi ambolipņe ya orop otmâ gawi yaņeâmâ kâlepņan kinmâ kapi patoen ekņetâ kâlâp sem utun duk duk sâm yahalop. Utun ya ekmâ yan isem tep bâle otmâ biwiyene ahoakbi. <sup>10</sup> Yawu otmu ekmâ kiņgityeņahât otmâ kâlepņan kinmâ ekmâ yuwu sâwi. “Bâe, bâe, Bawilon kapi patoen yan hop sambe pato kinop. Yâhâ yiwereneâmâ pârâk sân sânâk kasalipyeneņe taka matņe yiņgiai. <sup>11</sup> Yâhâ aņgoânâmâ yâk orop senņe âlâlâ aņgi guņgi otmâ gem yâhâm manbi.

Yâhâ yiwereņeâmâ emelâk manbi ya pilâm hou latmâ mansai.” Yawu sâm tep bâle otmâ isewi. <sup>12</sup> Yâhâ torokatmâ yuwu sâwi. “Anġoânâmâ Bawilon kapi pato yakât biwiņan hop sambe pato iminiop. Ehekņe ki ehekņe, nâņġân nâņġânņe ki nâņġân nâņġânņe, senņe âlâlâ topņe topņe tuhuwi. <sup>13</sup> Yawu tuhum mem manņetâ wuân me wuân âlâhât pân guin âlâ bia, senņe âlâlâ topņe topņe ya kerehâk tatyņgiop. Otmu kapi kârikņe bâleņe. Kasalipyenęe mem ge katyekņetâ yâk yengât amutgen manmâ hoņ bayiņġim gawi. Yâhâ sâp yiwereņe yuâmâ kerek biatyņgiap.

<sup>14</sup> Bâe, senņe âlâlâ topņe topņe mem hop sambe kakņan manminiwi. Yâhâ nep topņe topņe torokatmâ tuhuwi yiwereņe ya emelâk biatmâ kititiņ yap. Otmu senņe âlâlâ yu me ya ekņâlem anġi ġuņġi otmâ manbi. Ya ġurâ kerek kititiņ yap. Otmu yukât kakņan yâhâpņe âlâ torokatmâ tetewuapġât dop âlâ ki tap,” yawu sâwi.

<sup>15</sup> Otmu lok nombotņe kapi kâlepņehembâ taka yan âi topņe topņe tuhum hâmeņe papato meminiwi yaņeâmâ “Kâlâp yuņe punduņ sâm senenekmap,” sâm yakât kâlepņehen kinmâ ekbi. <sup>16</sup> Yawu ekmâ kinmâ yuwu sâwi. “Bâe, bâe, kapi yuâmâ aksihâk kiom balu balu oap. Emelâhâmâ Bawilon ambolipņe, me buku nombotņe kâlepņehembâ takawi yanâmâ hâk katipņe kulem topņe topņe yawuya mânuņakmâ manminiwi. Otmu kâiput topņe topņe ya ġoliņak tuhum âmbâkuakbi ya ekņâlem yawuya mem bam gam otbi. <sup>17</sup> Yawu otminiwi yakât matņeâmâ yiwereņe yu meņetâ eksain.” Yawu sâwi.

Otmu wanğa ambolipņe, me nep loklipyenaņe wanğaen kinmâ ekbi. Otmu nep lok nombotņaņe hikinângen kinmâ ekbi. <sup>18</sup> Lok ya kerehâkņe kâlepņan kinmâ senyenâņak pilâm ekmâ yuwu sâwi. “Bâe, kapi yan ya yu mon? Senņe âlâlâ ya kerehâk gulip otmâ meteap. Hâpuwân pekatņe sem yawu tuhuap. Bâleņe dondâ oap.” Yawu sâwi. <sup>19</sup> Yawu sâņetâ biwiyene orotok sâop. Otmu yakât tep bâle nâņgâm yan kou kendâm ahowi. Isem tep bâle nâņgâm yan torokatmâ yuwu sâwi. “Bâe, kapi pato enda eksain. Endaņe âlâlâ ya kerehâk biatmâ kititiņ yap. Yamâ nen wanğa ambolipņe âlâengembâ tohom kapi yanâk anġi gunġi otmâ yapâ tewetsenņe pato dâim hop sambe kakņan manne sâm gain. Ya yiwerenņe kâlâpņe mem hote alikņe tuhuap. Yakât girawu otnom? Me wosapâ ari tewetsenņe yawuya menom? Ya pesuk yap yukâ.” Yawu sâm isem buiakmâ kinbi.

<sup>20</sup> Yawu teteyiņgiop yakât aņelo yaņe yuwu sâop. “Yen emelâk poropete nombotņe manbi, otmu aposolo manbi, otmu Anitâhât komot otmâ yâkâlen torokatmâ manbi, yenâmâ kapi yu ambolipņaņe kasa otyiņgim mem gem katyekbi. Mem ge katyekņetâ yakât matņe yu Anitâņe yiņgiap yakât yen heronņe kakņan manmâ yâhânomai.” Yawu sâop.

<sup>21</sup> Yawu sâmu aņelo wâtņe kârikņe tatbaņgiopņe kât pato âlâ mem yahatmâ saru tumuņan pilâmu giop. Gemu yanâk yuwu sâop. “Nâņe pilâmune giap. Yakât dopņeâk Anitâņe kapi pato Bawilon yukât ambolipņe ya yawuâk pilâyekmâ gem tepyene kum huhumu gulip oai. Gulip otņetâ

kâwurumyenajak kinsap. 22-24 Emelâhâmâ Bawilon yan imbi angi gunji otmâ manbi. Otmu kepgât senje âlâlâ topnje topnje mem ekjâlem kinmâ oŋ giriŋ kakŋan manbi. Hop sambe kakŋan manbi. Âli hawat topnje topnje ya meŋetâ lohimbi dondâŋe ya ekmâ yu bonje mon sâm yan nâŋgâm tâpikgum manmâ gawi. Yakât otmâ lohimbi hânŋan kulemŋan tatmâ ariwiŋe yâk yengâlen torokatmâ biwiyeŋe hikuakmâ manbi. Yawu manmâ gam hop sambe pato teteyiŋgimu âlâlâhât ki pâinmâ manbi. Otmu herone otmâ buŋam me kep topnje topnje tuhum enŋat nombotŋe watmâ yakât yeŋahât sâm mepaeakmâ manbi. Otmu yeŋahât nâŋgâŋetâ yahatmu hâkyeŋe mepaeakmâ manbi. Yakât otmâmâ Anitâ poropeteliŋe nombotŋaŋe yâkât den sâm tetem ekyongowi. Den sâm ekyongonjetâ nâŋgâŋetâ gemu yongonjetâ kerehâk mum metewi. Emelâk Anitâhât komot ya mem ge katyekmâ mem âlâlâ tuhuyekbi yakât matŋeâmâ yâku yu teteyiŋgiap. Sâp yiwereŋe yuâmâ manman ya emelâk biatmâ kititiŋ yap. Emelâk hân yuân torokatmâ âi topnje topnje mem yeŋahât nâŋgâŋetâ yahatmu manmâ gawi. Sâp yiwereŋe yu gurâ biatmâ kititiŋ yap. Kapi yu yâhâpŋe mem miwirikuŋetâ tetewuapgât dop âlâ ki tap. Yawu.” Yawu sâop. Aneloŋe kât pilâmu saru tumuŋe kâlehen giop yaŋe yakât topnje sâm teteap.

## 19

*Anitâŋe matŋe yiŋgiop yakât otmâ ikŋe lohimbiŋe mepaewi.*



1 Ya ekmune pesuk sâmu yakât kakņan den âlâ yuwu nâņgâwan. “Lohimbi kiņgitņe orowâkņe menduhuakmâ tatmâ Anitâ otmu Kutdânenņe Yesu yâk yetgât gotyetņan kinmâ Anitâ heroņe otbaņgim yuwu sâm mepaewi. 2 “O, Anitâ, Wâtgât Amboņe, Gâņe yu ya otbe sâm ya otdâ âlepņe nandoroņe otmap. Tihitnenņe otdâ gâhât amutgen manman sânduhân manmâ yâhânôm. Yâhâ imbi kondarâ yâkņe orotmeme bâleņe otminiop. Otmu buku nombotņane yawuâk otņet sâm kendâyিংim gaop. Yakât matņe gâņe yu waņdâ memu pesuk yap. Yawuhât mepaeheksain. Otmu gâhât komot nombotņe gâhâlen biwiyenņe kepeim manbi yamâ imbi kondarâ yaņe kasa otyingim yongomu muwi. Yakât gâņe matņe yu waņmu memu pesuk yap. Yakât otmâ gâ mepaeheksain. 3 Gâņe kapi pato yu ambolipņe matņe yingimu kâwurumņanak kinsap. Yukât kakņan yâhâpņe miwirikum torokatmâ manno-maihât dop âlâ ki tap. Yakât otmâ heroņe otgihiain.” Yawu sâwi.

4 Otmu lok kunņe 24 otmu songo papato mumuhât dop bia yaņe Anitâ mepaem yuwu sâwi. “Âlepņe dondâ nenņe Anitâ konok mem mepaene. Ya bulâņanâk.” Yawu sâwi.

5 Otmu yâk yengâlen gâtņe âlâņe yuwu sâmu nâņgâwan. “Yenâmâ Anitâ hoņ bawañgim lauņe lâum yâkâlen biwi nâņgân nâņgânyenņe kepeim mansai. Yen lok topņe topņe, lok geheņe me kutyeņe orop, yen kerehâk menduhuakmâ Anitâ konok sâm mepaem manņet.” Yawu sâwi.

6 Yawu sâņetâ yanâk den âlâ yuwu

tetemu nângâwan. Himbimân gâtne dondâne menduhuakmâ tatmâ Anitâ mepaenjetâ munyenje nângâwan. Munyenjeâmâ himbim gunğuruñ sâmap yawu, me to tâlâm pato yerâmu munje pilâmap yawu. Yawu otmâ yuwu sâwi. “O, Anitâ, Kunnenne pato, Manman Amboņe, gâņe tihitnenne otmâ tatmâ yâhâmbisân. Yakât otmâ gâ mepaeheksain. <sup>7-8</sup> Otmu lohimbi miakmâ herone otmâ mansai yakât dopņeâk gâņe lohimbi nombotne Lama Nanņe yâkâlen biwiyenņe kepeim manmâ gawi yakât pat kuyiņgiop. Pat kuyiņgiop ya Lama Nanņe meyekmâ ikne manman kapiân mem ari katyekmu heron maron otmâ manmâ yâhânomai. Yakât sâp yu tâlâhuap. Yâhâ lohimbilipne sângum kaok bolan bolan mânunjakmâ mambotmâ kinsai. Sângum kaok mânunjakmâ kinsai yamâ manman uwawapne bia manmâ gawi yakât dop. Yakât otmâ mepaeheksain.” Yawu sâwi.

<sup>9</sup> Yawu sâņetâ aņelone yuwu sâm eknohop. “Den yuwu sâm ekgohomune kulemgû. “Lama Nanņe yiwerene lohimbilipne pat kuyiņgiop yâk orop meyekmâ bāt kuanğim heron maron otmâ yâhânomai yakât sâp tâlâhuap. Lama Nanņe yakât bulâne mem tetemu lohimbine yâk orop biwiyenņe kepeiakmâ konohâk otmu herone kakņan manne sâm oai yakât sâm ekyonğorâ tep âlep nângâņet.” Den ekgohoan yuâmâ Anitâne sâop.” Yawu sâm eknohop.

<sup>10</sup> Den yawu sâm eknohomu nâne aņelohât gotņan bam mepaewe sâm otban. Yawu otmune yuwu sâm kuniņiop. “Kâmbuk. Pilâ. Gâ otmu

gâhât bukulipge yenâmâ Anitâhât hoŋ bawa, Anitâhât lauŋe Îaum hoŋ bawaŋgimai. Otmu nâ gurâ yawuâk hoŋ bawaŋgiman. Yesu yamâ Anitâhât nanŋe bonŋe. Den ekgohoan yuâmâ Anitâhât Wâtgât mâmâŋahât Heakŋe mâmâŋe otnihim biwine mem hoŋ hoŋ tuhunekmu den yu ekgohoan. Yawu gârâmâ yen me nâ yamâ Anitâ otmu Yesu yâk yetgâlâk nâŋgâm mepaeyelekmâ yâhânom.” Yawu sâmb eknohop.

*Sonŋo sâtŋe metŋe bukunâit pilâyeleketâ hemân giowot.*

<sup>11</sup> Himbim pâroŋ sâmbu yakât biwiŋan yuwu ekban. Beâsi kaok kaok âlâ ekban. Lok kakŋan talop yakât topŋeâmâ yuwu. Anitâŋe âi sâmb waŋop ya biwiŋaŋe kepeim galemŋum heŋŋeŋumap. Yâhâ lok yeŋgât orotmemeyeŋe sâmbuap ya bulâŋanâk. Yâkŋeâmâ lohimbi den âiân katyekmâ mem kâsipyongowuap. Mem kâsipyongomu ârândâŋ merândâŋ otbuap. Yâhâ yâkŋeâmâ matŋe menomai yakât topŋe katbuap. <sup>12</sup> Yâkât senŋeâmâ kâlâp nimbilamŋe yawuya. Yâhâmâ lok kutdâŋe ŋerendenŋe goliŋak tuhuwi yawuya yaŋe kunŋan horatbaŋŋeŋetâ tatmu ekban. Yâhâ ikŋe kutŋe yamâ ikŋahâk naŋgaŋgimap. Lok âlâŋe ki nâŋgâwaŋgimap. <sup>13</sup> Yâhâmâ sâŋgum kaok kâlêp mânunahop yaŋe ge hârândâŋ sâmb kinop yamâ hepŋak pato. Yâkât kutŋe âlâmâ yuwu sâmbai. “Anitâhât Kâi Toka.” Yawu.

<sup>14-16</sup> Otmu lohimbi bâleŋaŋe matŋe meŋetgât Anitâŋe sâmb yakât otmâ lauŋambâ tewet sâtŋe nombot nombot nelaŋ nelaŋ yaŋe ge kinop. Yaŋe mem lohimbi sambe galemyongom hâhiwin

yingimu umutyene arimu kingityenahât otmâ hu halak tuhuwi. Otmu sângum kaok yan otmu ârânan yuwu kulemgujetâ talop. “Lok topne topne manmâ gai ya yengât kunyene. Otmu lok kutdâ ya yengât kunyene pato mansap.” Yawu kulemgujetâ talop. Otmu yâkne sâmu himbingât kapam lok dondâne yâkâlen menduhuakbi. Menduhuakmâ yanâmâ hâk katipne kaok bolan bolan ya mânunakmâ beâsi kaok kaknan tatmâ hawamgum Kutdâene orowâk lok bâlene yongone sâm tohowi.

<sup>17</sup> Menduhuakmâ tohojetâmâ anelo âlâ tetemu ekban yañeâmâ sikop senjan kinop. Sikop senjan kinmâ kâe kâe nombotñane pâp pâp sâm hanân gam ariwi ya yongonmâ yuwu sâm ekyongop. “Anitâne sâp pato kalop ya tetewe sâm oap. Yakât otmâ yen kerek taka menduhuakjet. <sup>18</sup> Yâhâ lok bâlene komotne komotne beâsi kaknan tatmâ taka ahone sâm oai. Ahom yan himbingât kapam lokne yongom tâtuk meyeknomai. Yongom tâtuk meyeknetâmâ yene taka nem meteyeknomai.” Yawu sâm ekyongop.

<sup>19</sup> Yâhâ songo sâtne metne otmu lok kutdâ manbi yâkne kapam ku ku loklipyene ya hârueknetâ kerehâk yongone sâm menduhuakbi. Yakât otmâ lok beâsi kaknan talop, kutne “Anitâhât Kâi Toka,” yâkne ikne kapam lok hâruekmâ orowâk menduhuakmâ yongone sâm otbi. <sup>20</sup> Yâhâ songo sâtne metne yane ikne hon bawa ya angoân mâmâne otbangimu yâkne kulem topne topne mem lohimbi kâityongop. Kâityongom ikñahât kulem towatne bâtyenjan otmu meteyenjan towat

kalop. Yakât otmâmâ lohimbi kiŋgitŋe orowâkŋe yâk yetgâlen torokatmâ sonjo sâtŋahât umutŋe hâwim mepaeyelekbi. Yawuhât himbimgât kapam lok yaŋe yâhâp yâhâp ya pilâyelekŋetâ hem topŋehen yaken gemutâ kâlâpŋe seyelehop. <sup>21</sup> Otmu lok beâsi kakŋan talop yâkât launjambâ tewet kâlep, sâtŋe nombot nombot nelan nelan yaŋe mem kasalipŋe hâreyekmu mum metewi. Mum metenjetâ kâe kâeŋe taka nem meteyekbi.

## 20

### *Satan ya kum sâhâm pilâmu iop.*

<sup>1</sup> Ya pesuk sâmu yanâk anelo âlâ himbimâmbâ gemu ekban. Anelo yaŋe gem puai, yakât kutŋe âlâmâ Satan, ya sâhâwe sâm tâk kârikŋe mem giop. Tâk kârikŋe miakmâek hem nâpumângen kionop. <sup>2-3</sup> Kionmâ ge Satan kum sâhâm pilâmu yambu 1000 yakât biwiŋan im ariop. Im arimu yambu 1000 ya pesuk sâmu holanmu gamâmâ sâp tâlâwâk biwiŋan lohimbi kâityongop.

<sup>4-6</sup> Kulem ya pesuk sâmu kulem âlâ yuwu tetemu ekban. Anitâhât gotŋan lohimbi dondâŋe menduhuakmâ kinjetâ yekban. Yâkŋeâmâ lohimbi meyekmâ den âiân katyekmâ sâm hâreyiŋŋetgât Anitâŋe âi ya sâm yinŋiop. Komot ya yengât topŋeâmâ yuwu. Yâkŋe anjoân Anitâhât den ya tâŋ tâŋâk lâum manbi. Yawu manmâ Yesu ki betguwi. Me lok bâlenjaŋe sonjo sâtŋe metŋe otmu ikŋe umutŋe hâwim katbi ya yetgât ki nâŋgâyitgim mepaeyelekbi. Me yâkât kulem towatŋe ya meteyenjan me bâtyenjan ki katŋetâ talop. Yawu otmâ betyitgim manjetâ

yakât yâk yetgât hoŋ bawalipyetŋe kasa otyiŋgim enŋatyene hâreŋetâ muwi. Otmu yâkŋe aŋgoân mumuŋambâ yahatmâ Yesu Kiristohâlen torokatmâ yâkât komot galemyongom tepyeŋe herone otmu manŋetâ yambu 1000 olop. Yâhâ aŋgoân yahatbi yaŋeâmâ Anitâ yet Yesu Kiristo yâk hoŋ bayitgim mepaeyelekmâ Yesu orop tatmâ yambu 1000 ya torokatmâ manmâ yâkât komot galemyongom manbi. Otmu yakât kakŋan himbimân manman kârikŋahât pat otbi yakât otmâ hiliwahom hem nâpumŋan ki gewi. Yambu 1000 ya pesuk sâmu lohimbi nombotŋe âlâŋe mumuŋambâ yahatbi.

*Yambu 1000 pesuk sâmu Satanŋe yâhâpŋe tetem lohimbi kâityongop.*

<sup>7</sup> Yambu 1000 pesuk sâmu yakât kakŋan aŋelo âlâŋe hem pato ya nâpum kurumbu yakât kâlehen kionmâ ge Satan mem holaŋop. <sup>8</sup> Mem holaŋmu yapâ yahatmâ gamâmâ lohimbi nombotŋe hânŋan kulemŋan manmâ Yesuhât hâkâŋ otbi ya kâityongomu lohotŋe otŋetâ yan dâiyekmâ manop. Yawu otmâmâ kâsipyongomu komot yâhâp otbi. Âlâ, kutŋe Goho sâm, âlâmâ kutŋe Mahoho sâm, yâk kerekŋe Yesuhât hâkâŋ otmâ manbi. Yâkŋe menduhuakŋetâ dopyeŋe saru ginŋan sak ekmain yakât dop. Ya sâlipyongonomgât dop âlâ ki otbuap. <sup>9</sup> Yaŋe menduhuakmâ taka Anitâŋe ikŋe lohimbi wawaeyehop ya kerek hilipyongone sâm hawamyongowi. Hawamyongom kinŋetâ Anitâŋe sâmu yan himbimâmbâ kâlâp punduŋ sâm ge sem gâwu gâwu tuhuyehop. <sup>10</sup> Kâlâpŋe sem meteyekmu pesuk sâmu Anitâŋe amboyeŋe Satan ya mem hem

nâpum kâlehen pilâmu giop. Otmu sonjo sâtņe metņe otmu honj bawanje mâmâņe otbanjimu den perâkņe sâm kâityongop ya yâhâp yâhâp emelâk pilâyelekmu giowot ya yetgâlen gem torokatmu kâlâpņe seyekmu hâhiwin pato nâņgâwi. Otmu hâhiwin ya pesuk sâyįngiwuapgât dop âlâ ki tap. Hâhiwin dondâņan manmâ yâhâmbisâi.

*Anitâņe lohimbi kerekņe otbi mewi yakât den sâmbâre yįngiop.*

<sup>11</sup> Kulem ya pesuk sâmu âlâ yuwu tetemu ekban. Anitâņe kakņan tatat kaok bolan bolan yan ge tatmu ekban. Ge tatmu yan hân himbim dâiakmâ pilahowot. <sup>12-13</sup> Otmu lohimbi in muņetâ kurihiyekbi, me saruņe neyehop, me girawu girawu tuhuyekmu muwi, lok geheņe me lok kutyeņe orop, ya kerehâk mumuņambâ yahatmâ yâkât gotņan kinņetâ yekban. Kinņetâ Anitâņe pepa topņe topņe ya mem mewalakum lohimbi golâ manbiân yan otbi mewi yakât topņe kulemgumu tatmap yapâ ekmâ mem sâlikuop. Otmu Anitâ ikņak pepa ya mem sâlikumâmâ otbi mewi ya yengât topyeņe ekmâ âlâku ikņiâk ikņiâk den âiân katyekmâ matņe yįngiop. <sup>14</sup> Otmu lohimbi nombotņe hem kâlâpgât pat otbiņe yan gem torokatmâ sâp kâlep manmâ yâhânomai. Yâkņe âlâ holarakmâ hâk sânduhân mannomaihât dop âlâ ki tap <sup>15</sup> Yâhâ Anitâņe ikņe pat kuyįngiop ya yengât kutyeņe kulemgumu tatmap yaņeâmâ yâhâpņe yakât kakņan hiliwahonomaihât dop âlâ ki tap. Yaņeâmâ manman kârikņe yakât kapiân ari tatmâ heroņe kakņan manmâ yâhâmbisâi.

## 21

### *Anitâñe sâmu hân himbim ango teteowot.*

<sup>1</sup> Ya pesuk sâmu hân himbim hânñe ya Anitâñe sâmu bialop. Otmu yâhâpñe sâmu hân himbim âñe tetemu ekban. <sup>2</sup> Otmu Anitâñe kapi âñe tuhuop, kutñe “Yerusalem Ango” sâmu yañe himbimâmbâ gemu ekban. Kapi ya ek-mune âlâ kândâkdâ olop. Otmu nenñe imbi miakne sâmu otmâ menñeakmain yakât dopñeak kapi ambolipñe menñeakbi. <sup>3</sup> Otmu anelo âlâñe yuwu sâmu nânğâwan. “Kutdânenñe Anitâñe lohimi orop haonmâ ârândân tatmâ tihityeñe otmâ yâhâwuap. Yawu otmâ yâk orop biwi nânğân nânğânyenñe hikuakmâ konohâk otmu manmâ yâhâmbisâi. <sup>4</sup> Yawu manñetâ yâkñe sâmu umatñe topñe topñe yâhâpñe ki teteyiñgiwuap. Me hâhiwin nânğâm ki torokatmâ mannomai. Me ki mum kou kendâm ahonomai. Me yâhâpñe gilâp âlâ ki iseañginomai. Wawaeyekmâ hâk sânduk yingimu tep âlep nânğâm heron maron kakñan manmâ yâhânomai.” Yawu sâop.

<sup>5</sup> Yawu sâmu Anitâ Kutdânenñe yuwu sâmu nânğâwan. “Sâmune emelâk âliwahap kerek biatsai. Yakât otmâ ango kândikyongowoman. Den yan yu bulânânâk. Yakât otmâ yeñe nânğâm biwiyeñan katmâ manñetâ biwiyeñe ki gewuap. Yawuhât den yan yu kulemgum katdâ talâk. <sup>6</sup> Nâñe embânâmbâek hân himbim ki kândikyotgowan yapâek tatmâ gan. Niniâk kârikñeak tatmâ gan. Otmu tatmâ yâhâwom. Âlâlâhât topñeâmâ nâ. Otmu nâhât sâtğât teteopğât nâhât sâtğât biatsap. <sup>7</sup> Lohimi nombotñe nâhâlen torokatmâ



ki lohotņe otbiņe manman kârikņahât to nene sâam otņetâmâ âlepņe nâņe torokatmâ hâmeņe barak yingimune nem yâhânomai. Otmu lok âlâ me âlâņe nâhâlen biwiyenâņe kepeim mannomai ya yengât nâņe nine nanne baratne bulâņe sâam meyekbom. <sup>8</sup> Yawu gârâmâ lok bâleņe yengât topyene yuwu. Bukulipyenâņe nângâm bâleyingimâihât lohimbi nombotņe nâhât den pilâm hâkyeņe ihiwe ihiwe otmu dâiakmâ hurunduņ sâam ariwi. Yâhâ nombotņeâmâ biwi nângân nângânyenâņe nâhâlen kepeim ki manņetgât ihilâk tuhuyekbi. Nombotņe den perâkņe sâam kâirahowi. Me den miangiwi. Me den gurukņe sahaņgiwi. Yâhâ nombotņe kâwâ konda otmâ manbi. Me imbilipyene betyenehen kionbi. Me loklipyene betyenehen kionbi. Yâhâ nombotņeâmâ karasuņa, me lok yengât sait, me hawat topņe topņe meminiwi. Yâhâ nombotņe âlâņeâmâ Porom Lâpio topņe topņe tuhumm kânângâņetâ kinmu yakât nângâņetâ bulâņe otmu yâkâlen biwiyenâņe kepeim manbi. Lok yawuyane hem nâpum kâlehen geņetâ kâlâpņe seyekmu hâhiwin kakņan manmâ yâhâmbisâi. Yawuhât yâhâpņe yapâ holaņakmâ yahatmâ âi ya torokatmâ tuhunomaihât dop âlâ ki tap. Den yan yu bulâņanâk.” Yawu sâop.

*Kapi âiņe, kutņe “Yerusalem Anņo” sâam, ya teteop yakât topņe.*

<sup>9</sup> Otmu aņelo nombolân yâhâp lohimbi hilipyongowi yakât kondo ya mewi yâk yengâlen gâtņe âlâņe yuwu sâam eknohop. “Garâ Lama Nanņe

yâkât pat sâsâje ya tiripgohomune ek.” Yawu sâop.

<sup>10</sup> Yawu sâmu Wâtgât mâmâñahât Heakñe biwine mem purik pilâmu anelo yañe menekmu pumñe pato âlâen yâhâwit. Yan yâhâ kinmune, Anitâhât kapi âiñe, kutñe Yerusalem Anjo, ya himbimâmbâ gemu ekban. Kapi ya ambolipñe Lama Nanñahâlen torokatne sâm meñâleakmâ gewi. <sup>11</sup> Otmu yan Anitâhât lanñe pato haonmâ ârândân sem kinmap. Sem kinmu yan kapi yañe kaok temban temban olop. <sup>12</sup> Otmu kapi yamâ dâmân kâlep pato yañe kâlehen talop. Otmu yakât gahatñe kâiân yâhâp tap. Yâhâ anelo kâiân yâhâp yañeâmâ gahatñe yakât âlâku kândâk kândâk galem gum kinbi. Otmu Isirae lohimbi komot kâiân yâhâp yâk yengât kutyeneâmâ gahatñan ikñiâk ikñiâk kulemgunetâ tatmap. <sup>13</sup> Otmu kapi yakât dâmân tuhum hawamguwi yakât gahatñe yamâ ârândânâk kalimbu kalimbu yawu katñetâ talop. Gahatñe yamâ betñehen kalimbu, otmu dâtâpñehen kalimbu, otmu ginñehen kalimbu, yawuâk yawuâk ya katñetâ tatmu ekban. <sup>14</sup> Otmu dâmân ya hoñ hoñ sâmap sâm kâtñak mem topñan kum kuratgum tâtâkuwi. Kâtñe kum kuratguwi yanâmâ aposolo kâiân yâhâp yâk yengât kutyene ya ikñiâk ikñiâk kulemgum katñetâ tatmap.

<sup>15</sup> Anelo yañe kapam dop tuhu tuhu âlâ goliñak tuhuwi ya mem Yerusalem kapi anjo yakât dop kuop. <sup>16</sup> Yâhâ kapi yakât dopñeâmâ âlâhât tipine. Yakât otmâ yakât ginñe ârândânâk yakât dop yamâ 2500 kilomita yakât dop. Yâhâ yapâ topñe katmâ ewaken hanân upu lato yâhâop yamâ 2500 kilo-

mita yakât dop. Nombot nombot yawuâk kerek. <sup>17</sup> Yâhâ yakât dâmânneâmâ bapņan bapņan dopņe 64 mita yawu. <sup>18</sup> Dâmân yamâ kât âlâ, kutņe Yasipa sârn, kaok muņgen muņgen yaņe tuhuop. Kapi yamâ goliņak pato tuhuop ya laņinņe pato pilâm imap. <sup>19</sup> Yâhâ dâmân yakât topņan kâtņak kum kuratguwi yakât topņe yuwu. Anġoân kuratguwi yakât kât kârikņe kaok muņgen muņgen, yakât kutņe Yasipa. Yâhâ yâhâpņe kât âlâ golâ golâ, kutņe Sapaia. Yâhâ kalimbunę kât âlâ kaok kâtâp metâp, kutņe Ahet. Yâhâ imbâtņe kât âlâ golâ golâ, kutņe Emerali. <sup>20</sup> Yâhâ momeņe yamâ kât kuriņ kâiâk mâiâk, kutņe Onikisi. Yâhâ yakât betņan kât âlâ kuriņ kuriņâk, kutņe Konilian. Yakât betņanâmâ kât âlâ gimbanę muņgen muņgen, kutņe Kirisolait. Yâhâ yakât betņanâmâ golâ kâiak mâiak, kutņe Bereli. Yakât betņanâmâ gimbanę tekop tekop, kutņe Topasi. Yakât betņanâmâ golâ otmu ņaoņ kâtâp metâp, kutņe Kirisopasi. Yakât betņanâmâ âlâmâ ņaoņ ņaoņ, kutņe Haiasin. Yâhâ bâiņe yamâ kuriņ kuriņâk, kutņe Ametisi. <sup>21</sup> Otmu gahatņe kâiân yâhâp yamâ emet âli âliņe yamâ pitiņa hâkņe kândâkdâek yaņe tuhuop. Yâhâ kapi yakât mâtâp yâhâm gem otmai yamâ goliņak tuhuwi yamâ laņinņe orowâk belek belehâk yawuya.

<sup>22</sup> Anitâhât kapi pato yamâ ikņe kai sombem yan Lama Nanņait tatmawot. Yakât otmâmâ yan opon kâmbukņe âlâ ki tuhuņetâ tap. <sup>23</sup> Yanâmâ Anitâhât laņinņane irik irik sârn pilâm laņ laņ sârn. Nenņe lambe mem saum katmunņe laņinņe pilârn dop yawuya bia, ya waņġim dop âlâ otmap. Otmu Lama Nanņe ikņe laņinņane

pilâmu laŋ laŋ sâmap. Yakât otmâmâ sikop me omoŋgât emetsenŋe laŋinyetŋe ki pilawot. <sup>24</sup> Yanâmâ kapi ambolipŋe yâkŋe yan yâhâm gem heronŋe maronŋe otmâ Anitâ yet Lama Nanŋe mepaeyelekmâ manmâ yâhâmbisâi. <sup>25-26</sup> Kapi yanâmâ laŋinŋe pato yaŋe pilâmu laŋ laŋ sâm âilonŋo loŋgo otmâ imu yakât kâlehen omoŋ me, me kâtâp metâp, me yuwu yawu âlâ ki tatbuap. Yakât otmâ gahatŋe ki maŋgunomai. Inâk aŋ sâm kinmu yan lohimbiŋe yâhâm gem Anitâ yet Lama Nanŋe mepaeyelekmâ hoŋ bayitgim manmâ yâhâmbisâi. <sup>27</sup> Yakât otmâ lohimbi orotmeme bâleŋe otmâ manbi ya orowâk ki tatnomai. Yâhâ den perâkŋe sâminiwi ya gurâ yawuâk yan ki mannomai. Emelâk Lama Nanŋaŋe ikŋe pat ya kuyiŋgim pepa âlâ mem kutyeŋe kulemguop lohimbi yaŋak kâlehen yâhâm genomai.

## 22

### *Manman kârikŋe yakât topŋe*

<sup>1</sup> Otmu aŋelo yaŋe manman kârikŋahât to senŋe âilonŋo loŋgo gam gemap yakât kakŋan gilik belek sâm imap ya tiripnohomu ekban. To senŋeâmâ Anitâ yet Lama Nanŋe yâk yetgâlen tap. <sup>2</sup> Yapâ hindakmâ gem huhum liŋgarakmâ kapiân sombem ya ârândâŋ otmâ imap. Yawu otmâ imu manman kârikŋahât nak yaŋe to ya hâlânŋmâ nombot nombot kinmâ arap. Nak yakât kehetŋe yaŋeâmâ haonŋmâ emetsenŋe ârândâŋ bonŋaŋe âilonŋo loŋgo imu nem yâhâpŋe ki hiliwahonomai. Yâhâ esenŋe nem hâk sânduhân mannomai. Neŋetâ yan mesek me umatŋe topŋe topŋe ya ki teteyiŋgiwuap.

<sup>3</sup> Otmu kapi yanâmâ Anitâhât kasalipņeâmâ ki ganomai.

Anitâ yet Lama Nanņe yâk yetgât kaweyetņe yan tatmu lohimbi kerekņe mepaeyelekmâ hoņ bayit-gim manmâ yâhâmbisâi. <sup>4</sup> Yâhâ lohimbi kerekņe Kutdâyeņahât senņan manņetâ ikņe kutņajeâmâ yâk yeņgât meteyeņan kulemgumu tatbuap. <sup>5</sup> Yâhâ Anitâ ikņahâmâ yâk yeņgât laņinņe pato otmâ yâhâwuap. Yakât otmâmâ sikop yaņe ki pilâwuap. Yanâmâ yâhâpņe omoņ âlâ ki tetewuap. Yakât otmâ lambe ki miakmâ mannomai yamâ Anitâhât laņinņan tatmâ yâhânomaihât torokatmâ hâk sânduhânâk mannomai.

*Bulâņanâk Yesuņe yâhâpņe âwurem gewuap.*

<sup>6</sup> Yâhâ ya pesuk sâmu yakât kakņan anelo yaņe den yuwu sâm eknohop. “Den yan yuâmâ bulâņe gâņgâņâk miap. Emelâk Anitâņe Wâtgât mâmâņahât Heak hâņgâņgumu poropete yeņgâlen tetem yâkât den sâm tetem ekyongop. Dop yawuâk Anitâņe nâ hâņgâņnohomu âlâlâ topņe topņe tetewuap yakât tiripgohomune eksat.” Yawu sâop.

<sup>7</sup> Yawu gârâmâ emelâhâmâ Yesuņe yuwu sâop. “Nâmâ yeņgâlen burunduņâk takawomgât sâp tâlâhuap. Yen pepa yu sâlikum den yan yu lâum mannomai yanâmâ âlepņe. Den yan yukât bulâņe yeņgâlen tetewuap.” Yawu sâm eknohop.

<sup>8</sup> Yâhâ nâ den kulemguan yu emelâk nâņgâwan. Otmu âlâlâ tetewuap ya gurâ ekban. Aņeloņe yu me ya tetewuap ya tiripnohopgât yâkât gotņan bam mepaewe sâm otban. <sup>9</sup> Yawu otmuneâmâ yuwu sâm eknohop. “Kâmbuk, pilânek. Nâ gurâ

gike yuwuya. Nerâmâ Anitâhât hoŋ bawa. Gâ otmu gâhât bukulipge nombotŋe yeŋe Anitâhât den sâm tetem ekyongom mansai. Otmu nâ gurâ yeŋe oai yawuâk otmâ mansan. Lohimbi nombotŋe pepa yu sâlikum ekmâmâ Anitâhât den lâum manmâ hoŋ bawanŋinomial. Otmu nâ gurâ yawuâk hoŋ bawanŋiwom. Yakât otmâ yen me nâ yamâ Anitâ otmu Yesu yâk yetgâlâk nâŋgâm mepaem yâhânom.

<sup>10</sup> Otmu den yukât bonŋe tetewuap yakât sâp tâlâhuap. Yakât otmâ gâmâ Anitâhât den yuâmâ pepaen kulemgum katmâ yan ki mem kurihiwuat. Tetekŋan lohimbi senyeŋan sâm mem mewalakum tiripyongowuat. <sup>11</sup> Otmu Lama Nanŋe burunduŋâk takawuap yakât sâpŋe utâpguap. Gârâmâ lohimbi nombotŋe orotmeme bâleŋe otmâ manmaiŋe torokatmâ otmâ yâhânomai. Yâhâ lohimbi nombotŋeâmâ orotmeme âlepŋe otmâ Anitâhât tem lâuwangim manmai yaŋeâmâ yawuâk otmâ manmâ yâhânomai.” Yawu sâop.

<sup>12</sup> Yawu sâm tiŋ pilâmu Yesuŋe yuwu sâm eknohop. “Nâ yuwu sâmune nâŋgâ. Sâp ki kâlep otmuâk âwurem gewom. Nâŋe lohimbiŋe otbi mewi yakât matŋe mem kâpekmâ âlâku amboŋan amboŋan yinŋimune menomai. <sup>13</sup> Nâmâ Anitâŋe hân himbim ki kândikyotgop yapâek tatmâ gan. Otmu tatmâ yâhâwom. Otmu nâmâ âlâhât amboŋe. Wahap yu me ya hânân yuân katyekban ya kerehâk nâŋgâm meteyeksan.

<sup>14</sup> Nâmâ lohimbi yeŋgât kunyeŋe pato. Lohimbiŋe nâhâlen biwiyeŋaŋe kepeim manmâ gai

yâkņe Anitâhât kapi ya ambokunomaihât pat kuyiņgiwan yamâ âlepņe ambokum mannomai. Otmu nâņe manman kârikņahât sot yiņgimune menomai yan ârândâņâk nem torokatmâ mannomai. <sup>15</sup> Yawu gârâmâ lohimbi nombotņe Anitâhât hâkâņ otmâ mansai, me senņe âlâlâ ihilâk mahilâk gulip malap otmâ torokatmâ manmâ gai, me lohimbi nombotņe kasa otyiņgim yongom manmâ gai, me nombotņe hânân âlâlâ Porom Lâpio topņe topņe yakât nâņgâņetâ bulâņe otmu yâk yengâlen biwi nâņgân nâņgânyenņe kepeim manmâ gai, me manman bâleņe yakât mâtâwân torokatmâ otmâ manmâ gai, me den perâkņe sâm kâirahom kombo mianņim gai, me den mem manmâ gai, yamâ Anitâņe dâiyekmâ ikņan katyekbuapgât dop âlâ ki tap. Yâhâmâ dâmân yaehen tatmâ hâhiwin nâņgâmbisâi. Yawu.

<sup>16</sup> Nâ ahonakmune nâņgâ. Nâmâ Yesu. Nâmâ Dawitihât sen. Nâmâ pitu kâmņe pato emet ki orotok sâmuâk tetemap nâmâ yakât dop. Nâhât sâtgât aņelo ya gem den ya sâm ekgohoap. Yawu gârâmâ gâņe den ya nâņgâm nâhât komot ya sâm tetem ekyongowuat.” Yawu sâop.

<sup>17</sup> Yawu gârâmâ Yesuhât pat manmai ya Yesuņe getek ge menenehâkgât biwiyenņe kilik kilik sâmu Yesuhât mambotmâ mansai. Otmu yen nombotņe ekap yu ekmâ sâlikunomai yan yenâmâ getek teteâhâk yawu nâņgâņet. Otmu getehâk tetem gewomap yakât otmâ yen nombotņe manman kârikņahât tohât biwiyeņe kilik kilik sâmap yenâmâ in yawu biwiyenņe Yesuhâlen katņet. Yawu otnomai yanâmâ Yesuņe tep âlep nâņgâyiņgim meyekmu yâk orop manman

sânduuhân torokatmâ manmâ yâhânomai.

<sup>18</sup> Nâñe den yu bulâñe tetewuap yakât yu tâñ tâñâk ekmâ nâñgâm kulemguan. Yawu gârâmâ lok âlâ me âlâñe den yu tatmu ya wangim yeñe nâñgân nâñgânyeñe watmâ den âlâ torokatmâ sânomai yañeâmâ hâmbâi matñe umatñe menomai. <sup>19</sup> Yâhâ lok âlâ me âlâñe den yu nâñgâñetâ tâñât otmu mem ge katmâ yeñe eñgatyeneâk den âlâ torokatmâ sânomai ya gurâ matñe umatñe menomai. An-itâñe ikñe kapi âilongo yakât pat kuyiñgiop ya bâtyeñan hindâwuap. Otmu ikñe kapiân yâhâ manman kârikñahât nak kehetñe nenomaihât mâtâp mañguyiñgiwuap. Yawu teteyiñgimapgât girem den yan yu nâñgâm biwiyeñan katmâ manmâ yâhânomai.

<sup>20</sup> Otmu Yesuñe den yukât bulâñe oap yakât ikñak yuwu sâop. “Nâ ninak sâmune nâñgâñet. Nâmâ burunduñâk takawomgât sâp utâpguap.” Yesu ikñak yawu sâop. Otmu den sâop yakât bulâñe teteâkgât nañgan. Getehâk tetem giâkgât nañgan. Yesu Kutdânenñe gâ hoñâk taka.

<sup>21</sup> Otmu Yesuñe dikin kârikin otningimu yakât amutgen nelâm manne. Bâiñ. Pesuk yap. Yawu.



**Yesuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 11 Nov 2022 from source files dated 22 Nov 2019

995083d2-705e-5a60-af47-1e36806cccbc